



( 94399

杜工部集卷之十六

虞山蒙叟

謙益

箋註

近體詩九十七首

治夔州作

宗武生日

小子何時見高秋此日生自從都邑語已伴一作律老夫

名詩是吾家事人傳世上情熟精文選理休覓綵衣

輕周察筵初秩歌斜坐不成流霞分一作飛片片一作幾涓滴

就徐傾吳若本注宗武小名驥子曾有詩驥子好男兒

又示宗武

覓句新知律攤書解滿牀試吟青玉案莫羨陳作帶紫羅

囊假古雅切日從時飲明年共我長應須飽經術已似愛

文章十五男兒志三千弟子行曾參與游夏達者得

升堂

紫囊晉志八坐尚書荷紫以生紫為袷囊綴之服外加假日登樓賦聊假日

以銷憂買達國語注日服開也服或作假

熟食日示宗文宗武

消渴游江漢秋羈棲尚甲兵幾年逢熟食萬里一作下逼清明

松柏一作山一作路風花白帝城汝曹催我老迴首淚縱

橫

叩山元和郡國志叩州南接叩來山因為名叩道志叩山在假師縣北二里子美先望在洛故有是句

又示兩兒

令節成吾老他時見汝心浮生看物變為恨與年深

情盡狀  
不志忘者  
呈上亦未  
面日

長葛書難得江州涕不禁團圓思弟妹行坐白頭吟

長葛

元和郡國志本漢長杜縣地置長葛縣屬許州

社日兩篇

九農

一作秋豐

成德業百祀發光輝報効神如在馨香舊不

違南翁巴曲醉北雁塞聲微尚想東方朔恢諧割肉

歸

社日

西溪叢語此詩詠諸割肉社日用伏日事蘇黃皆以為與史記年表秦德公二年始作伏祠社乃同日至漢方有春秋三社與伏分也

九農

蔡邕獨斷先農者蓋神農之神至少昊之世置九農之官

陳平亦分肉太史竟論功今日江南老他時渭北

一作水

童歡娛看絕塞涕淚落秋風鴛鴦迴金闕誰憐病峽

中

九日五首

闕一首

重陽獨酌

云少飲

盃中酒抱病起

一作獨又作豈

登江上臺竹葉於

人既無分菊花從此不須開殊方日落玄猿哭舊國

霜前白雁來弟妹蕭條各何往于戈衰謝兩相催

竹葉

張協七命乃有荆南烏程豫比竹葉張華輕薄篇蒼梧竹葉清宜城九醞酒

白雁

古今詩話北方白雁秋深乃來來則

霜降謂之霜信

舊日重陽日傳盃不放盃卽今蓬鬢改但愧菊花開

北闕心長戀西江首獨迴茱萸賜朝士難得一枝

來

舊與蘇司業兼隨鄭廣文采花香泛泛

云蘇發一云漢漢

坐客醉

紛紛野樹歌

一作歌

還倚秋砧醒却聞歡娛兩冥莫西北

有孤雲

故里樊川菊登高素滄源他時一笑制作後今日幾人

存巫峽蟠江路終南對國門繫舟身萬里伏枕淚雙

痕為客裁烏帽從兒具綠尊佳辰對一作帶羣盜愁絕更

誰堪論

素滄

游城南記長安志云少陵原南接終南山北直滄水今萬年縣有洪固鄉司馬村在長安城之東南少陵在村之東北則滄水在東非在北矣少陵東接風涼原滄水出焉東北對白鹿原邢谷水出焉二水合流入渭杜詩所謂登高素滄源是也少陵之東岡下即滄水之西岸

九日二登高諸人集于林

九日明朝是相要舊俗非老翁難早出賢客幸知歸

舊采黃花賸新梳白髮微漫看年少樂忍淚已霑衣

大曆二年九月二十日

杜集卷一六

為客無時了悲秋向夕終瘴餘夔子國霜薄楚王宮

草敵虛嵐翠花禁冷葉一作藥紅年年小搖落不與故園

同

十月一日

有瘴非全歇為冬亦不一作不亦難夜郎溪日暖白帝峽風

寒蒸裏如千室焦糟一作糖幸一杵茲辰南國重舊俗自

相歡

夜郎

水經注温水出犍河夜郎縣縣故夜郎國也前書夜郎縣有逝水東至廣鬱蒸裏齊民要術裏蒸生魚方七寸准又云

孟冬

殊俗還多事方冬變所為破甘一作瓜霜落爪嘗稻雪翻

匙巫峽異作寒都薄烏蠻一作沙瘴遠隨終然滅灘瀨暫

喜息蛟螭

冬至

年年至日長為客忽忽窮愁泥殺人江上形容吾獨

老天邊一作風俗自相親杖藜雪後臨丹壑鳴玉二云朝

來散紫宸心折此時無一寸路迷何處見一作三秦

小至

天時人事日相催冬至陽生春又來刺繡五紋一作漆

弱線吹葭六琯動浮灰岸容待臘將舒柳山意衝寒

欲放一作梅雲物不殊鄉國異教兒且覆掌中杯

小至唐會要開元八年中書門下奏開元新格冬至日祀圓丘遂用小

食之類漆線海錄歲時記曹魏開宮中以紅線量日影冬至後日漆長一

是舊注引唐雜錄唐宮中以女功綉日之長掌中杯舊註引覆杯池

短冬至後日晷漸長比常日增一線之功解偶觀李太白宴北湖詩云感此勸一觴願君覆瓿壺榮盛當作樂無令

後賢可則知覆杯乃傾尊倒甕及時行樂之意二不詩正可相發明也

覽物草堂作峽

曾為椽吏趨三輔憶在潼關詩興多巫峽忽如瞻華

岳蜀江猶似見黃河舟中得病移衾枕洞口經春長

薜蘿形勝有餘風土惡幾時迴首一高歌

憶鄭南坻

鄭南伏毒寺一作瀟灑到江心石影銜珠閣泉聲帶玉

琴風杉曾曙倚雲嶠憶春臨萬里滄浪一作外龍蛇只

自深

鄭南 寺名伏毒在華州鄭南縣劉禹錫別集云舅氏牧華州前後由  
觀謂陪登伏毒寺舊題詩于梁今典馮翊南望三峰若然生思實  
詩云曾作關中客頻經伏毒 玳 吳若本注玳疑作玳  
巖晴烟沙苑樹晚日渭川帆 玳 音泚玉色鮮潔也

### 懷灞上游

悵望東陵道平生灞上游春濃停野騎夜宿敞雲樓  
離別人誰在經過老自休眼前今古意江漢一歸舟

愁

強戲爲  
吳體

江草日日喚愁生巫一作春峽泠泠非世情盤渦鷺浴底

心性獨樹花發自分明十年戎馬暗萬國異域賓客

老孤城渭水秦山得見否人今罷病虎縱橫

虎縱橫

張璠曰虎縱橫謂暴欲也時京兆  
用第五琦什一稅法民多流亡

### 書夢

本集卷一六

五

二月饒睡昏昏然不獨夜短晝分眠桃花氣暖眼自

醉春渚日落夢相牽故鄉門巷荆棘底中原君臣豺

虎邊安得務農息戰鬪普天無吏橫索錢

覽鏡呈柏中丞

渭水流關內終南在日邊膽銷豺虎窟淚入□□天

起晚堪從事行遲更學舊作仙鏡中衰謝色萬一故人

隣

學仙

更學仙言步履遲緩更可  
以學仙乎正衰謝之意也

### 卽事

暮春三月巫峽長晶晶行雲浮一作無日光雷聲忽送千

峰雨花氣渾如百和香黃鶯過水翻迴去燕子銜泥

是暮春在  
時中驟雨  
乍晴片次

濕不妨飛閣捲簾圖畫裏虛無只少對瀟湘

百和香

古詩博山爐中百和香鬱金蘇合及都梁

卽事天辨

天畔羣山孤草亭江中風浪雨冥冥一雙白魚不受  
釣三寸黃甘猶自青多病馬卿無日起窮途阮籍幾  
時醒未聞細柳散金甲腸斷秦川州流濁涇

悶

瘴癘浮三蜀風雲暗百蠻卷簾唯白水隱几亦青山  
猿捷長難見鷗輕故不還無錢從滯客有鏡巧催顏

戲作俳諧體遣悶二首

異俗可吁怪斯人難並居家家養烏鬼頓頓食黃魚

舊識能一作難

為態新知已暗疎治生且耕鑿只有不關

開一作渠

烏鬼

邵伯溫聞見錄夔峽之人歲正月十百為曹設牲酒于田間已而眾操兵大噪謂之養烏鬼養去聲長老言地近烏蠻戰場多與人

為屬用以禳之沈存中疑少陵詩所自也疏詩者乃以鷓鴣別名烏鬼子往來夔峽間問其人如存中之言鷓鴣亦無別名漫更詩話云與國軍太守楊弼臣云川人嗜猪肉家家養猪每猪作烏鬼聲故謂之烏鬼沈存中筆談士人劉克博觀異書按夔州圖經稱峽中人以鷓鴣捕魚謂之烏鬼冷齋夜話川峽路民多供事烏蠻鬼故云烏鬼秦寬夫詩話云元微之江陵詩病賽烏稱鬼不占瓦代聽注云南人染病則賽烏鬼楚巫列肆悉賣龜卜則烏鬼之名自見于此巴楚間常有殺人祭鬼者曰烏野七頭神簡烏鬼乃所事神名爾鷓鴣決非烏鬼當從元注也漁黎露元微之嘗投簡陽明洞有詩云鄉味猶珍蛤家神愛事高乃知唐俗真有烏鬼也又國史補裴中令節度江陵遣軍將王顯往嶺南擲石斃一烏於竹林遂有烏鬼報讐之異唐俗以烏為  
神祠而事之有白來矣  
頓頓吳曾漫錄頓字亦有所本晉謝僕射陶太常詣吳領軍日巴中容比得一頓食  
黃魚夢弼曰公詩云日見巴東峽黃魚出浪新峽中黃魚大者至數百斤小者亦數十斤豈鷓鴣之所能捕哉以烏鬼為鷓鴣其說甚矣  
西歷青羌板一作坂南留白帝城於蒐一作蔡侵客恨粗妝作

目物感人  
係依時子  
上風人與

人情瓦卜傳神語畲田費火聲一作耕是非何處定高枕

笑浮生項歲自秦涉隴從同谷縣出遊蜀留滯于巫山也

青羗坂

水經注青衣縣故有青衣羗國也竹書紀年梁惠成王十年瑕陽人自秦道岷山青衣水來歸縣有蒙山青衣所發華陽國志天漢四年罷沈黎置兩郡都尉一治旄牛主外羗一治青衣主漢民

餅音女又音汝

得舍弟觀書自中都已達江陵今茲暮春月末

行李合到夔州悲喜相兼團圓可待賦詩卽事

情見乎詞

爾到

晉作過

江陵府何時到峽州亂離生有別聚集病應

瘳颯颯開啼眼朝朝上水樓老身須付託白骨更何

憂

北集卷一六

喜觀卽到復題短篇二首

巫峽千山暗終南萬里春病中吾見弟書到汝爲人

意一作竟荅兒童問來經戰伐新泊船悲喜後欸欸話一作議

歸秦

待爾嗔烏鵲拋書示鶴鷓枝間喜不去原上急曾經

江閣嫌津柳風帆數驛亭應論十年事愁一作然絕始星

星

烏鵲西京雜記陸賈曰乾鵲噪而行人至

舍弟觀歸藍田迎新婦送示兩篇

汝去迎妻子高秋念却迴卽今螢已亂好與雁同來

東望西江水一作南遊北戶開卜居期靜處會有故人



杯

北戶

爾雅觚竹北戶注觚竹在北戶在南疏北戶即日南郡是也吳都賦開北戶以向日

楚塞難為路

一作別

藍田莫滯留衣裳判白露鞍馬信清

樓 秋滿峽重江水開帆八月舟此時同一醉應在仲宣

樓

第五弟豐獨在江左近三四載寂無消息覓使

寄此二首

亂後嗟吾在羈棲見汝難草黃騏驎病沙晚一作鵲鵲

寒楚設關城險吳吞水府寬十年朝夕淚衣袖不曾

乾

聞汝依山寺杭州定越州風塵淹別日江漢失一作共清

注集卷十六

秋影著啼猿樹魂飄結蜃樓明年下春水東盡白雲

求一作遊

啼猿樹

廬山隣巫山高云莫辨啼猿樹蜃樓天台書海旁蜃氣象樓臺廣野氣成宮闕

舍弟觀赴藍田取妻子到江陵喜寄二首

汝迎妻子達荆州消息真傳解我憂鴻雁影來連峽

內鶴鴒飛急到沙頭曉關險路今虛遠禹鑿寒江正

穩流朱紱即當隨綵鷁青春不假報黃牛

沙頭

方輿勝覽沙頭市去江陵十五里元稹詩關咽沙頭市玲瓏竹岸聽曉關曉關即藍田關其路有七盤十二緝穩流

峽江冬寒水

馬度一作秦關一作吳雪正深北來肌骨苦寒侵他鄉就我

生春色故國移居見客心剩欲一作歡提攜如意舞喜多

此言從叔國之他鄉

此首正寫本題大意

行坐白頭吟。巡簷索共一作梅花笑冷藥一作疎枝半不

如意王戎好作如意舞

此言他鄉不在忘校

庚信羅含俱有宅。春來秋去作誰家。短墻若在從殘草。喬木如存可假花。卜築應同蔣詡徑。為園須似邵平瓜。比年一作病一作酒開涓滴弟。勸兄酬何怨嗟。

庚信九域志宋上宅庚信所居

羅含羅含傳含為荊州別駕以解舍宣夏於城西池小洲上立茅屋伐木為材織葦為席而居

布衣蔬食宴如也。渚宮記安成王在鎮以羅含故宅借錄事劉朗之嘗見一丈夫衣冠甚偉被袷而立。朗之驚問。忽然失之。未及還。朗之以罪見黜。人謂君章有神羅君章宅在江陵城西三里。庚信亦管居之。

蔣詡嵇康高士傳蔣詡杜陵人詡為先

疾歸杜陵。荆棘塞門。舍中三徑終身不出。時人諺曰。楚國二叢不。如杜陵蔣翁。此句正用杜陵故事。與邵平為偶。非泛用三徑也。

箋曰。庚信羅含有宅。謂江陵之寓居也。春來秋去。以燕自况也。短墻喬木。指秦中故居。蔣詡邵平一居杜陵。一居東陵。皆老子長安者也。弟勸兄酬。言歸秦之樂也。

江雨有懷鄭典設

春雨闇闇塞一作發峽中。早晚來自楚王宮。亂波分披已

打岸。弱雲狼藉不禁風。麗光蕙葉與多碧。點注桃花

舒小紅。谷口子真正憶汝。岸高瀼滑一作關限西東。

張璠曰。夔有澗水。橫通山谷。間謂之瀼時。公又自赤甲遷居瀼西。則鄭居瀼東也。

王十五前閣會

楚岸收新雨。春臺引細風。情人來石上。鮮鱸出江中。

隣舍煩書札。肩輿強老翁。病身虛俊味。何幸飫兒童。

俊味藝苑雜錄黃杜詩俊味亦有來處本草胡注云此物煮為羹臠極俊美

寄韋有夏郎中

省郎憂病士書信有柴胡飲子頻通汗懷君想報珠  
親知天畔少藥味峽中無歸楫生衣臥春鷗洗翅呼  
猶聞上急水早作取平途萬里皇華使爲僚記腐儒

韋有夏

潘淳曰顏魯公東方朔碑陰有  
東坡云沈佺期回波詞姓名雖蒙齒錄袍笏未易  
牙緋子美用飲子對懷君亦齒錄牙緋之比也

生衣

趙曰生衣者生  
冰衣于其上也

陪柏中丞觀宴將士二首

極樂三軍士誰知百戰場無私齊綺饌久坐密金章  
醉客霜鸚鵡佳人指鳳凰幾時來翠節特地引紅粧

鸚鵡

西陽雜俎梁宴魏使魏筆師舉  
酒勸陳昭俄而酒至鸚鵡盃

繡段裝簷額金花帖鼓腰一夫先舞劍百戲後歌樵  
一作江樹城孤遠雲臺使寂寥漢朝頻選將應拜霍嫖

北齊宋一六

姚

七月一日題終明府水樓二首

高棟曾軒已自涼秋風此日灑衣裳翛然欲下陰山  
雪不去非無漢署香絕壁過雲開錦繡疎松夾水奏  
笙簧看君宜著玉喬履真賜還疑出尙方

終明府功曹也  
兼攝奉節令故

有此句竹觀  
奏即真也

宓子彈琴邑宰日終軍棄繻英妙時承家節操尚不  
泯爲政風流今在茲可憐賓客盡傾蓋何處老翁來  
賦詩楚江巫峽半雲雨清簾疎簾看奕碁

季秋蘇五弟纓江樓夜宴崔十三評事韋少府

姪三首

峽險江驚急樓高月迴明一時今夕會萬里故鄉情  
星落黃姑渚秋辭白帝城老人因酒病堅坐看君傾

黃姑渚

古歌詞黃姑織女時相見黃姑卽河鼓也曹植九咏乘回風今浮漢渚

明月生長好浮雲薄漸暫作遮悠悠照邊塞悄悄憶京  
華清動盃中物高隨海上查不眠瞻白兔百過落烏

紗

對月那無酒登樓況有江聽歌驚白鬢笑舞拓秋牕  
尊蟻添相續沙鷗竝一雙盡憐君醉倒更覺片一作心  
降

九月一日過孟十二倉曹十四主簿兄弟

藜杖侵寒露蓬門啟曙烟力稀經樹歇老困撥書眠

杜集卷十六

十一

秋覺追隨盡來因孝友偏清談見滋味爾輩可忘年

過客相尋

窮老真無事江山已定居地幽忘盟牋客至罷琴書  
挂壁移筐果呼兒問一作煮魚時聞繫舟楫及此問吾  
廬

孟倉曹步趾領新酒醬二物滿罍見遺老夫

楚岸通秋展胡牀面夕哇藉糟分汁滓甕醬落提攜  
飯糲添香味朋來有醉泥理生那免俗方法報山妻

藉糟

酒德頌枕麴藉糟

汁滓

周禮醴齊注云醴猶體也成而汁滓相將

柳司馬至

有使歸三峽相過問兩京函關猶出將渭水更屯兵

設備邯鄲道和親邏些城幽燕唯鳥去商洛少人行  
衰謝身何補蕭條病轉嬰霜天到宮闕戀主寸心明

邏些城

舊書吐蕃傳其人或隨畜牧而不常厥居然頗有城郭其國都城號爲邏些城新書吐蕃有邏些川

鶴曰大曆二年九月十月京師以吐蕃入寇兩戒嚴故作此詩

### 簡吳郎司法

有客乘舸自忠州遣騎安置瀼西頭古堂本買藉疎  
豁借汝遷居停宴遊雲石煒煒高葉曙在曉風江颯颯  
亂帆秋却爲姻婭過逢地許坐曾軒數散愁

瀼西

時公又移居東屯故以瀼西草堂借吳郎也

### 又呈吳郎

堂前撲棗任西隣無食無兒一婦人不爲困窮寧有

北集卷十六

三

此祗緣恐懼轉須親一作知遠客雖多事使一作便挿疎

籬却甚眞已訴徵求貧到骨正思戎馬淚盈巾

西隣

前漢王吉傳吉居長安東家有大棗樹垂吉庭中吉婦取棗以陷吉此句闡用其事

### 覃山人隱居

南極老人自有星北山移文誰勒銘徵君已去獨松  
菊哀壑無光留戶庭予見亂離不得已子知出處必  
須經高車駟馬帶傾覆悵望秋天虛翠屏

### 柏學士茅屋

碧山學士焚銀魚白馬却走身巖居古人已用三冬  
足年少今一作曾開萬卷餘晴雲滿戶圍傾蓋秋水浮階  
溜決渠富貴必從勤苦得男兒須讀五車書

題柏大兄弟山居屋壁二首

叔父朱門貴，郎君玉樹高山居。精典籍，文雅涉風騷。江漢終吾老，雲林得爾曹。哀絃繞白雪，未與俗人操。

野屋流寒水，山籬帶薄雲。靜應連虎穴，喧已去人羣。筆架雷牕雨，書籤映隙曛。蕭蕭千里足，制作馬箇箇五花

文

戲寄崔評事表姪蘇五表弟韋大小少府諸姨

隱豹深愁雨，潛龍故起雲。泥多仍徑曲，心醉阻賢羣。忍待江山麗，還披鮑謝文。高樓憶疎豁，秋興坐氛氲。

秋日寄題鄭監湖上亭三首

碧草逢一作春意，沅湘萬里秋。池要山簡馬，月淨一作庾

公樓。磨滅餘篇翰，平生一釣舟。高唐寒浪滅，一作髮髯

識昭丘

山簡馬

山簡鎮襄陽，每臨高陽池，未嘗不大醉而還。今在郡治南鶴山頂上，非東亮所登，故基亮所登，乃武昌安樂官衙門也。

李燾鄂州南樓記云：孫氏更名漢鄂曰武昌，今州東八十里，武昌縣是也。

始有鄂及武昌之名，庾亮安得至此。高唐，遊於雲夢之臺，容華之中。

觀漢書注曰：雲夢之高唐之臺，張揖曰：雲夢楚臺，也在南部華容縣，其中

有臺館，又曰安巫山之女也。為高唐之客，聞君遊高唐，願薦枕席，蓋神女

在巫山之陽，而其為高唐之客，則在雲夢故臺館，皆在華容也。陽臺，自在

巫山亦曰陽雲臺，寰宇記云：陽雲臺高一百二十丈，南枕長江，宋玉云：遊

陽雲之臺，望高唐之觀，即此也。樂氏殆失攷矣。公昭丘，登樓賦北彌陶

州圖記曰：當陽東南七十里，有楚昭王墓，登樓則見所謂昭丘水，經注沮水，又南逕楚昭王墓，東對麥城，故王仲宣之賦登樓云：西接昭丘，是也。

新作湖邊宅，還聞賓客過。自須開竹迳，誰道避雲蘿。

官序潘生拙，才名賈傅多。捨舟應轉地，鄰接意如何。

何

躑阻一作住蓬萊閣終為江海人揮金應物理拖玉豈吾

身羹煮秋葍滑一作弱孟迎一作疑露菊新賦詩分氣象佳句

莫頻頻

謁真諦寺禪師

蘭若山高處烟霞障一作障幾重凍泉依細石晴雪落長

松問法看詩忘一作妄觀身向酒慵未能割妻子卜宅近

前峰

別崔異因寄薛據孟雲卿內弟異赴湖南幕職

志士惜妄動知深陳作深知難固辭如何久磨礪但取不磷

緇夙夜聽憂主飛騰急濟時荊州過晉作遇薛孟為報欲

論詩

杜集卷一八

四

送李八秘書赴杜相公幕

青簾白舫益州來巫峽秋濤天地迴石出倒聽楓葉

下灑灑櫂搖皆一作背指菊花開貪趨相府今晨發恐失佳

期後命催南極一星朝北斗五雲多處是三台

張璠曰公有贈李秘書別詩曰幕府籌頻問山家藥正鉞自注秘書比臥青城山中詳此則鴻漸平崔肝必資其謀至入朝表用之也

巫峽樊廬奉贈侍御四舅別之澧朗

江城秋日落山鬼閉門中行李淹吾舅誅茅問老翁

赤眉猶世亂青眼只途窮傳語桃源客人今出處同

奉送十七舅下邵桂

絕域三冬暮浮生一病身感深辭舅氏別後見何人

縹緲蒼梧帝推遷孟母隣昏昏阻雲水側望苦傷神

送覃二判官

先帝一作皇弓劍遠小臣餘此生蹉跎病江漢不復謁承

明餞爾白頭日永懷丹鳳城遲遲戀屈宋渺渺臥荆

衡魂斷航舸失天寒沙水清肺肝若稍愈亦上赤霄

行

季夏送鄉弟韶陪黃門從叔朝謁

令弟尚為蒼水使名家莫出杜陵人比來相國兼安

蜀歸赴朝廷已入秦捨舟策馬論兵地拖玉腰金報

主身莫度清秋吟蟋蟀早聞黃閣畫麒麟

杜鴻漸以大曆蟋蟀潘岳秋興賦蟋蟀鳴於軒屏二年六月入朝

北齊卷一六

張璠曰捨舟策馬言蜀地用兵水陸不得並進也自注都北兼開江使通成都外江下峽舟楫

送十五弟侍御使蜀

喜弟文章進添余別興牽數盃巫峽酒百丈內江船

未息豺狼鬪空催犬馬年歸朝多便道搏擊望秋天

內江

輿地廣紀涪州內江即黔江也昔司馬鑄派此水南上擊楚奪黔中地又李膺益州記云內江至關頭離離長百步懸崖倒水舟楫

莫通方輿紀勝九域志引水經云即延江天津也杜詩注云水自渝上合州者謂之內江自渝由城瀘上蜀者謂之外江與此不同按內江即黔江

地志甚明杜注不足據

送田四弟將軍將夔州柏中丞命起居江陵節

度陽城郡王衛公幕

一云夔府送田將軍赴江陵

離筵罷多酒起地發寒塘迴首中丞座馳戩異姓王

燕辭楓樹日雁度麥城霜空霽醉山翁酒遙憐似葛



强

麥城

水經注沮水又東逕驢城西磨城東又南逕麥城西盛弘之荊州記麥城東有驢城沮水之西有磨城犄角麥城子胥造此二城以

攻麥城俗諺云東驢西磨麥自破

### 送王十六判官

客下荆南盡君今復入舟買薪猶白帝鳴櫓少一作沙

頭衡霍生春早瀟湘共海浮荒林庾信宅爲仗主人

留

沙頭

吳若本注江陵吳船至泊於郭外沙頭入蜀記過白湖拋江至舟子舖日入泊沙市自公安至此六十里自此至荆南陸行十里舟

不復進矣老杜云買薪猶白帝鳴櫓已沙頭又劉夢得云沙頭櫓于上始見春江關皆謂此也方輿勝覽沙頭市至江陵城十五里庾信

宅

靈宇記羅舍宅在江陵城西三里庾信亦管居之

### 奉送卿二翁統節度鎮軍還江陵

北集卷一六

火旗還錦纜白馬出江城嘹唳吟一作鳴笳發蕭條別浦

清寒空巫峽曙落日渭陽明一作情留滯嗟衰疾何時見

息兵

### 送鮮于萬州遷巴州

京兆先時傑琳琅照一門朝廷偏注意一作壘接近與名

藩祖帳排一作維舟數寒江觸石喧看君妙爲政他日有

殊恩

琳琅

顏魯公鮮于仲通神道碑仲通子六人叔曰萬州刺史吳雅有文風頗精史道作牧萬州政績尤異有詔遷秘書少監尋又改牧巴

州仲通一門並見贈鮮于京兆詩注

### 寄杜位

頃者與位同在故嚴尚書幕

寒日經簷短窮猿失木悲峽中一作筵爲客恨江上一作並憶

君時天地身何在吳作風塵病敢辭封書兩行淚雷灑

哀新詩

奉寄李十五秘書二首文選

避暑雲安縣秋風早下來暫留別作魚復浦同過楚王

臺猿鳥千崖窄江湖萬里開竹枝歌未好畫舸莫陳作

遲一作回

竹枝竹枝本出於巴渝唐貞元中劉禹錫在沅湘以俚歌鄙陋乃依騷人九歌作竹枝新詠禹錫曰竹枝巴渝也巴兒聯歌吹短笛擊鼓以赴節

行李千金贈衣冠八尺身飛騰知有策意度不無神

班秩兼通貴公侯出異人玄成負文彩世業豈沉淪

奉送韋中丞之晉赴湖南

龍渥微黃漸權宜借寇頻湖南安背水峽內憶行春

北齊卷一六

王室仍多故蒼生倚大臣還將徐孺子一作榻處處待高人

送李功曹之荊州克鄭侍御判官重贈

曾聞宋玉宅每欲到荊州此地生涯晚遙悲一作通水國

秋孤城一柱觀落日九江流使者雖光彩青楓遠自

愁

宋玉宅水經注宜城城南有宋玉宅玉邑人雋才辭給善屬文而識音也西溪叢語唐余知古渚官故事曰庾信因侯景之亂自建康

通歸江陵居宋玉故宅宅在城北三里故其賦曰誅茅宋玉之宅穿徑臨

信居是也然于美移居夔州入宅詩云宋玉歸州宅又有江山故宅之咏蓋歸州亦有宋玉宅也

送孟十二倉曹赴東京選

君行別老親此去苦家貧藻鏡留連客江山憔悴人

秋風楚竹冷夜雪鞏梅春朝夕高堂念應宜綵服新  
憑孟倉曹將書覓土婁舊莊

平居喪亂後不到洛陽岑爲歷雲山問無辭荆棘深

北風黃葉下南浦白頭吟十載江湖客茫茫遲暮心

別蘇僎

赴湖南幕

故人有遊子棄擲傍天隅他日憐才命居然屈壯圖  
十年猶塌翼絕倒爲驚吁消渴今如在提携愧老夫  
豈知臺閣舊先陳作拂鳳凰雖得實翻蒼竹棲枝把翠  
梧北辰當宇宙南岳據江湖國帶風塵色兵張虎豹  
符數論封內事揮發府中趨贈爾一作秦人策莫鞭轅

下駒

北集卷一六

大

存歿口號二首

席謙不見近彈碁畢耀仍傳舊小詩玉局他年無限

笑

一作事

白楊今日幾人悲

道士席謙善彈碁故曰玉局

彈碁

梁冀傳注韋經曰彈碁兩人對局曰黑碁各六後先列碁相當更先彈也其局以石爲之古今詩話彈碁局方五尺中心高如覆盆其顛爲小壺四角微起李商隱詩玉

彈碁局中心恨不平謂其中尊也

鄭公粉繪隨長夜曹霸丹青已白頭天下何曾有山

水人間不解重驂騑

高士榮陽鄭處善畫山水曹霸善畫馬也

奉漢中王手札報韋侍御蕭尊師亡

秋日蕭韋逝淮王報峽中少一作小年疑柱史多術怪仙

公不但時人惜祇應吾道窮一哀侵疾病相識自兒

童處處鄰家笛飄飄客子蓬強吟懷舊賦已作白頭

翁

哭王彭州掄

執友驚淪沒斯人已寂寥  
新文生沈謝異骨降松喬  
北部初高選東堂早見招  
蛟龍纏倚劒鸞鳳夾吹簫  
歷職漢庭久中年口馬騎  
兵戈闇一作開兩觀寵辱事三

朝蜀路江干一作干戈窄彭門一作關地里遙  
解龜生碧草諫獵

阻清霄頃壯戎麾出叨陪  
幕府要將軍臨氣候猛士

塞風颺井漏一作漂泉誰汲  
烽疎火不燒前籌自多暇

一作假隱几接終朝翠石俄雙  
表寒松竟後凋贈詩焉敢

墜染翰欲無聊再哭經過  
罷離魂去住銷之官方玉

折寄奠與萍漂曠望渥洼  
道霏微河漢橋夫人先卽

杜集卷十六

七

世令子各清標巫峽長雲  
雨秦城近斗杓馮唐毛髮

白歸興日蕭蕭

渥洼渥洼道屬今于河漢橋屬夫人舊注甚謬

見螢火

不曰孤螢火而曰見螢火全志只說

巫山秋夜螢火飛簾疎巧  
入坐人衣忽驚屋裏琴書  
冷復亂簷邊星宿稀却繞  
井欄添箇箇偶經花蕊美  
輝輝滄江白髮愁看汝來  
歲如今歸未歸

吹笛

吹笛秋山風二云風出月清誰  
家巧作斷腸聲風飄律呂相

和切月傍草堂作高關山幾處  
明口騎中宵堪北走武陵一

曲想南征故園楊柳今搖  
一作花落何得愁中曲王原叔得甫詩

信宿用折  
楊柳可生  
情引人入  
孫

直寫孤字  
之神  
度補金見  
孤雁之品

只起二句  
寫下後佳  
除看羊

薰曲  
作如 盡生

騎

世說劉越石為騎所圍數重城中窘迫無計越石始夕乘月登樓清嘯賊聞之皆悽然長歎中夜奏騎賊皆流涕人有懷士之苦向曉又吹之賊並圍奔走陳宏讓  
武陵古今注武陵深乃馬援南征之所作也援門生  
長笛吐清氣詩騎爭先歸偏知別鄉苦  
爰寄生善吹笛援作歌以和之名曰武陵深陳楊柳唐書樂志梁樂府有吹歌云上馬  
賀衡長笛吐清氣詩方知出塞口不憚武陵深  
不促鞭反切楊柳枝下馬吹橫笛愁殺行客見此歌詞元出北國即鼓角橫吹笛折楊柳是也演繁露笛亦有落梅折柳二曲今其詞亡不可攷矣

孤雁 飛雁 一云後

孤雁不飲啄飛鳴聲念羣一作聲聲誰憐一片影相失萬

重雲望盡一作斷似猶見哀多如更一作更復聞野鴉無意緒鳴

噪自一作亦紛紛

鷗

江浦寒鷗戲無他亦自饒却思翻玉羽隨意點春苗

雪暗還須浴一作落風生一任飄幾羣滄海上清影日蕭

蕭

風生南越志江鷗一名海鷗在海漲中隨潮上下常以三月風至乃遷洲嶼頗知風雲若羣至岸必風

猿

裊裊啼虛壁蕭蕭挂冷枝艱難人不見一作免隱見爾如

知慣習元從衆全生或用竒前林騰每及父子莫相

離

黃魚

日見巴東峽黃魚出浪新脂膏兼飼犬長大不容身

筒桶一作筒相沿久風雷肯為神一作神泥沙卷涎沫迴首怪

龍鱗

**飼犬** 論衡彭蠡之濱以魚食犬鹽鐵論江陵之人以魚飼犬韓詩飼犬驗今朝 長大 爾雅注臘犬者長二三丈今江東呼為黃魚陸機云大者千餘斤可蒸為臠又可為鮓魚子可為醬

**白小**

**白小羣分命天然二寸魚細微雷水族風俗當園蔬**  
依宋書  
入肆銀花亂傾箱雪片虛生成猶拾 一作拾 邪盡取義何

如

**園蔬** 實退錄靖州圖經載其俗居喪不食酒肉鹽酪而以魚為蔬今湖北多然謂之魚菜老杜嘗往來荆楚而夔亦與湖北為隣風俗當園蔬正

**拾邪** 西京賦獲胎拾指此也 邪紙蠟盡取

**麂**

鹿林二百一及鹿

永與清溪別蒙將玉饌俱無才逐仙隱不敢恨庖厨  
亂世輕全物微聲及禍樞衣冠兼盜賊饕餮用斯須

北集卷十一

**鹿** 爾雅鹿大麕鹿毛狗足 **仙隱** 神仙傳曾女生入華山中乘白鹿車從注女數十人 **微聲** 冒邑臨海郡記郡西北侯官山

有三足鹿其聲齊叟

**鷄**

紀德名標五初鳴度必三殊方聽有異失次曉無慙  
問俗人情似充庖爾輩堪氣交亭育際巫峽漏司南

**五德** 韓詩外傳田饒謂魯哀公鷄有此五德君猶瀾而食之 **氣交** 裴少新語正朝縣官殺羊懸其頭于門又鸞鷄以副之俗

說以厭屬氣玄以問江南任君任君曰是月土氣上升草木萌動羊鬪百草鷄啄五穀故殺之以助生氣

**玉腕騮**

江陵節度衛公馬也

聞說荆南馬尚書玉腕騮頤驂 陳作驂驂驂 飄赤汗踟躕顧長  
楸 一作楸 二年入乾坤一戰收舉鞭如有問欲伴習池

遊

此直賦其  
予也用意  
在末云

於八  
舍大  
含大  
含大  
含大

見王監兵馬使說近山有白黑二鷹羅者久取

竟未能得王以為毛骨有異他鷹恐臘後春生

鷲飛避暖勁翮思秋之甚眇不可見請余賦詩

雪別本俱作雲飛玉立盡清秋不惜奇毛恣遠遊在野只教

心力一作膽破千晉作千人何事網羅求一生自獵知無敵

百中爭能恥下鞬鵬礙九天須却避鬼藏一作經三穴一作窟

莫深憂

白鷹西陽雜俎漠北白者身長且大五筋有餘細斑短項鷹內之最生沙漠之比不知遠近何代川中山飛又有房山白源陽曰東道白

下鞬東觀漢記桓虞歎曰善鞬後幽明錄楚文王好獵有人獻一

毛羣羽族爭噬競搏此鷹睨目遠瞻雲際俄而雲際有一物凝翔辭白鷹

便竦翻而升盪若飛電須臾羽墮如雪血下如雨有大鳥墮地兩翅廣數

十里時有物物若子曰此大鵬雛也

黑鷹不省人間有度海疑從北極來正翮搏風超紫

塞立陳作冬幾夜宿陽臺虞羅自各虛施巧春雁同歸

必見猜萬里寒空祇一日金眸玉爪不一作比材

北極西陽雜俎取鷹法七月二十日為上時內地者多寒外者殊少八月下旬為次時八月下旬為下時塞外鷹單至矣紫塞

崔豹古今注秦築長城土色皆紫漢塞亦然故云紫塞也虞羅隋魏彥深鷹賦何虞者

張璠曰按王兵馬荆南趙芮公猛將公嘗為賦

一角鷹言其勇銳相敵則此亦所以况之也

杜工部集卷之十六

季滄葑季南宮校

杜工部集卷之十七

虞山蒙叟錢謙益箋註

近體詩五十五首

大曆三年正月起賦中至江陵及湖南作

太歲日

楚岸行將老巫山坐復春病多猶是客謀拙竟何人  
聞闔開黃道衣冠拜紫宸榮光懸日月賜與出金銀  
愁寂鴛鴦行斷參差虎穴鄰西江元下蜀北斗故臨秦  
散地逾高枕生涯脫要津天邊梅柳樹相見幾迴新

元日示宗武

汝啼吾手戰吾笑汝身長處處逢正月迢迢滯遠方

飄零還柏酒一作衰病只藜床訓喻青衿子名慚白首

世集卷十七

郎賦詩猶落筆獻壽更稱觴不見江東弟高歌淚數

行第五弟豐漂泊江左近無消息

遠懷舍弟穎觀等

陽翟空知處荆南近得書積年仍遠別多難不安居  
江漢春風起冰霜昨夜除雲天猶錯莫花萼尚蕭疎  
對酒都疑夢吟詩正憶渠舊時元日會鄉黨羨吾廬  
續得觀書迎就當陽居止正月中旬定出三峽

自汝到荆府書來數喚吾頌椒添諷詠禁火卜歡娛

呼作舟楫因人動形骸用杖扶天旋夔子國春近岳陽

湖發日排南喜傷神散北叶飛鳴還接翅行序密銜  
蘆俗薄江山好時危草木蘇馮唐雖晚達終覲在皇

看其赴結  
底



都

將別巫峽贈南卿兄襄西果園四十畝

苔竹素所好萍蓬無一作不定居遠遊長兒子幾地別林

廬雜藥紅相對他時錦不如具舟將出峽巡圃念携

鋤正月喧鷺末茲辰放鷓初雪籬梅可折風榭柳微

舒託贈卿家有因歌野興疎殘生逗陳作江漢何處狎

樵漁

送大理封主簿五郎親事不合却赴通州主簿

前閬州賢子余與主簿平章鄭氏女子垂欲納

一有鄭氏伯父京書至女子已許他族親事遂停

禁鬻去東床趨庭赴北堂風波空遠涉琴瑟幾音虛

杜集卷十七

張渥水出驥驪崑山生鳳皇兩家誠欵欵中道許蒼

蒼頗謂秦晉匹從來王謝郎青春動才調白首缺輝

光玉潤終孤立珠明得闔藏餘寒折花卉恨別滿江

鄉

禁鬻 晉書袁宏欲以女妻謝混王珣曰卿莫近禁鬻

人日兩篇

元日到人日未有不陰時冰雪鷺難至春寒花較遲

雲隨白水落風振紫山悲蓬鬢稀疏疎久無勞比素絲

人日 談藪魏收對北齊高祖董勛問正月一日為誰生日為人所清詩

請宋人劉克曰東方朔占書一日至八日其日晴主所生之物育

陰則災少陵謂天寶亂後人白水 山游經白水出蜀而東南注江紫

物歲歲俱災此春秋書法耶

山 後漢志廣漢郡綿竹地道記曰有紫岩山縣水之所出焉

此日此時人共得一談一笑俗相看尊前柏葉休隨  
酒勝裏金花巧耐寒佩劍衝星聊暫拔匣琴流水自  
須彈早春重引江湖興直道無憂行路難

勝裏

荆楚歲時記正月七日爲人日以七種菜爲羹頭絲爲人或鍍金箔爲人以點屏風亦戴之頭髻買充李夫人典戒人日造華勝相

道像瑞圖金勝之形

又像西王母戴勝也

江梅

梅藥臘前破梅花年後多絕知春意好一作早最奈客愁  
何雪樹元一作能同色江風亦自波故園不可見巫岫鬱

嵯峨

庭草

楚草經寒碧庭春入眼濃舊低收葉舉新掩卷牙重

北集卷十七

三

步履宜輕過開筵得屢供看花隨節序不敢強爲容

大曆三年春白帝城放船出瞿唐峽久居夔府

將適江陵漂泊有詩凡四十韻

老向巴人裏一作老今辭楚塞隅入舟翻不樂解纜獨長吁

窄轉深啼欲虛隨亂一作落浴皂石苔凌几杖空翠撲肌

膚疊壁排霜劍奔泉濺水珠杳冥藤上下濃淡樹縈

枯神女峰娟妙昭君宅有無曲留明怨惜一作別夢盡失

歡娛擺闔盤渦沸歌斜激浪輸風雷纏地脉冰雪耀

天衢鹿角一作難真走險狼頭一作難如跛胡惡灘寧變色高

卧負微軀書史全傾撓裝囊半壓濡生涯臨臬兀死

地脫斯須不有平川決一作快焉知衆壑趨乾坤龜漲海

長律大篇  
全在精神  
持婉情景  
兼至  
前半叙出  
味次第後  
半夜出味至  
情

此處見久  
嘉慶府將  
遠江後

此處見此  
拾拾

雨露洗春蕪鷗鳥牽絲颺龍濯錦紆落霞沉綠綺  
殘月壞金樞泥笋苞初荻沙茸出小蒲雁兒爭水馬

燕子逐檣烏絕島容烟霧環洲納曉暎前聞辨陶牧  
轉躬拂宜都縣郭南畿好路入松滋縣津亭北望孤勞心依

憇息朗詠劃昭蘇意遣樂還笑衰迷賢與愚飄蕭將  
素髮汨沒聽洪鑪丘壑曾忘返文章敢自誣此生遭

聖代誰分哭窮途卧疾淹為客蒙恩早廁儒廷爭酬  
造化樸直乞去江湖艷頽險相迫滄浪深可逾浮名

尋已已懶計却區區喜近天皇寺先披古畫圖此寺有晉石單  
應經帝子渚同泣舜蒼梧朝士兼戎服

君王按湛盧旄頭初傲擾鶉首麗泥塗甲卒身雖貴  
書生道固殊出塵皆野鶴歷塊匪轅駒伊呂終難降

韓彭不易呼五雲高太甲六月曠搏扶回首黎元病  
爭權將帥誅山林記疲芥未必免崎嶇

狼頭

輿地紀勝蜀江狼尾灘陳時屯隋兵之所屬岷州水經注江水又東流狼頭灘其水地峻激奔暴魚鱉所不能游行者常苦之其歌曰灘頭白勃堅相持候急淪波別無期衣松曰自蜀至此五千餘里下

水五日十水百日也宜都記曰渡流頭灘十里便得宜昌縣江水又東經狼尾灘而歷人灘按流金樞海賦大明撫轡於金樞之筍浦謝靈運

頭離當即所謂狼頭也水馬注引本草海陶牧登樓賦北彌  
苞綠簪新蒲含紫葇善注蒼頡篇曰茸草貌然此茸謂蒲華也

宜都水經注魏道縣漢武帝代西南彝路由此起故曰夔有陶朱公冢道矣劉備曰宜都郡治在縣東南四百步故城吳丞相陸遜所築也  
天皇寺歷代名畫記江陵天皇寺明皇置內有柏堂僧繇畫

聖僧繇曰後當難此耳及後周滅佛法焚天  
女隨舜不及没于湘蒼梧鶉首晉志自東井十六度至柳二  
水之渚因為湘夫人于蒼梧

州太甲

王勃益州夫子廟碑帝車南指道七驪于中階華蓋西臨歲五雲于太甲酉陽雜俎燕公常讀王勃夫子學堂碑頌白帝事至太甲四句悉不解訪之一公公言北斗建于七曜在南方有是之祥無位重人當出華蓋以下卒不可悉困學紀聞晉天文志華蓋在旁六星曰六甲分陰陽而配節候太甲恐是六甲一星之名然未有考証

巫山縣汾州唐使君十八弟宴別兼諸公携酒樂

相送率題小詩留于屋壁

卧病巴東久今年強作歸故人猶遠謫茲日倍多違

接宴身兼杖聽歌淚滿衣諸公不相棄擁別借光輝

春夜峽州田侍御長史津亭留宴

侍筵字

北斗三更席西江萬里船杖藜登水榭揮翰宿春天

白髮煩一作須多酒明星惜此筵始知雲雨峽忽盡下牢

邊

杜集卷十七

泊松滋江亭

紗帽隨鷗鳥扁舟繫此亭江湖深更白松竹遠微一作還

青一柱全應近高唐莫再經今宵南極外并作老人

星

松滋 寰宇記本漢舊縣晉咸康三年以松滋流戶在荆土者立松滋縣輿地紀勝江亭在松滋縣治後杜于美孟浩然俱有詩

行次古城店汎江作不揆鄙拙奉呈江陵幕府

諸公

老年常道路遲日復山川白屋花開裏孤城麥秀邊

濟江元自闕下水不勞牽風蝶勤依漿春鷗懶避船

王門高德業幕府盛才賢行色兼多病蒼茫汎愛前

古城

水經注江水又東逕陸抗故城北又云北對夔陵縣之故城南臨大江此所謂古城也

乘雨入行軍六弟宅

曙角凌雲罷春城帶雨長水花分塹弱巢燕得泥忙  
令弟雄軍佐凡才汚省郎萍漂忍流涕衰颯近中堂

宴胡侍御書堂

李尚書之芳鄭秘監審同集歸字韻

江湖春欲暮牆宇日猶微聞闌春吳作籍滿輕輕花絮

飛翰林名有素墨客興無違今夜文星動吾儕醉不

歸

書堂飲既夜復邀李尚書下馬月下賦絕句

湖水一作林風相與清殘尊下馬復同傾久拚野鶴如

霜鬢遮莫鄰雞下五更

遮莫

舊注俚語猶言儘教也

北集卷一

六

上巳日徐司錄林園宴集

髣毛垂領白花藥亞枝紅欹倒衰年廢招尋令節同

薄一作蕩衣臨積水吹面受和風有喜留攀桂無勞問轉蓬

蓬

奉送蘇州李二十五長史丈之任

星坼台衡地曾爲人所憐公侯終必復經術昔吳作竟相

傳食德見從事克家何妙年一毛生鳳穴三尺獻龍

泉赤壁浮春暮姑蘇落海邊客間頭最白惆悵此離筵

筵

台衡

舊史李林甫有子二十五人此或是林甫幼子史云林甫自處台衡朝野側目及國忠誣構天下以爲冤新史世系表林甫子僅載

五人無從考據耳或云是適之之後也

暮春江陵送馬大卿公恩命追赴闕下

自古求忠孝名家信有之吾賢富才術此道未磷緇  
王府標孤映霜蹄去不疑激揚音韻徹籍甚衆多推  
潘陸應同調孫吳亦異時北辰徵事業南紀赴恩私  
卿月昇金掌王春度玉墀薰風行應律湛露卽歌詩  
天意高難問人情老易悲尊前江漢闊後會且深期  
暮春陪李尚書李中丞過鄭監湖亭汎舟得過字韻  
海內文章伯湖邊意緒多玉尊移晚興桂楫帶酣歌  
春日繁魚鳥江天足芰荷鄭莊賓客地袁白遠來過  
奉送蜀州柏二別駕將中丞命赴江陵起居衛  
尚書太夫人因示從弟行軍司馬佐

杜集卷十七

七

中丞問俗畫熊頻愛弟傳書彩鷁新遷轉五州防禦  
使起居八座太夫人楚宮臘送荆門水白帝雲偷碧  
海春報與惠連詩不惜知吾斑鬢總如銀

畫熊

後漢輿服志公列侯車倚鹿伏熊黑轡

五州

鶴曰貞觀十四年夔州爲都督府督歸夔忠萬涪渝南七州至德元載於

雲安置七州防禦使詩云五州誤也按方鎮表廣德二年置涪忠夔都防禦使治夔州原領夔城忠歸萬五州故曰五州也

八座

唐

六尚書左右僕射合爲八座

夏日楊長寧宅送崔侍御常正字入京

得深字韻

醉酒楊雄宅升堂子賤琴不堪垂老鬢還對欲分襟

天地西江遠星辰北斗深烏臺俯麟閣長夏白頭吟

麟閣

六典秘書省天授初改爲麟臺監神龍元年復舊初漢御史中丞掌麟臺秘書圖籍故歷代置節臣建臺省以秘書與御史爲鄰

和江陵宋大小府暮春雨後同諸公及舍弟宴書

齋

渥洼汗血種天上麒麟兒才士得神秀書齋聞爾為  
棟華晴雨好綵服暮春宜朋酒口歡會老夫今始知

夏夜李尚書筵送宇文石首赴縣聯句

愛客尚書重之官宅相賢美子酒香傾坐側帆影駐江

邊芳之翟表郎官瑞鳧看令宰仙或雨稀雲葉斷夜久

燭花偏子美數語歌一作紗帽高文擲彩箋芳之興饒行處

樂離惜醉中眠或單父長多暇河陽實少年美子客居

逢自出為別幾悽然芳之

宇文晁尚書之甥崔或司業之孫尚書之子重

泛鄭監前湖審

社集卷十七

郊扉俗遠長幽寂野水春來更接連錦席淹留還出

浦葛巾欹側未迴船尊當霞綺輕初散棹拂荷珠碎

却圓不但習池歸醕酌君看鄭谷去黃緣

多病執熱奉懷李尚書之芳

衰年正苦病侵凌首夏何須氣鬱蒸大水淼茫炎海

接奇峰碑兀火雲升思霑道暘黃梅雨敢望宮恩玉

井冰不是尚書期不顧山陰野雪興難乘

玉井

魚豢魏畧明帝九龍殿前為玉井綺欄水經注華林園疏圃中有  
古玉井井悉以珉玉為之以鑄石為口工作精密猶不變古琛焉

如新東京賦於前則有諫門曲榭注  
諫門冰室門也門內有宣陽冰室

水宿遣興奉呈羣公

魯鈍仍多病逢迎遠復迷耳聾須畫字髮短不勝篔

澤國雖勤雨，炎天竟淺泥。小江還積浪，弱纜且長堤。  
歸路非關北，行舟却向西。暮年漂泊恨，今夕一作亂離。  
啼童稚，頻書札。盤飧詎糝藜。我行何到此，物理直難  
齊。高枕翻星月，巖城疊鼓鞞。風號聞虎豹，水宿伴鳧  
鷺。異縣驚虛往，同人惜解携。蹉跎長汎鷁，展轉屢鳴  
雞。嶷嶷瑚璉器，陰陰桃李蹊。餘波期救涸，費日苦輕  
賫。支策門闌邃，肩輿羽翮低。自傷耳賤役，誰愍強幽  
棲。巨海能無釣浮雲，亦有梯勳庸。思樹立語默，可端  
倪。贈粟困應指，登橋柱必題。丹心老未折，時訪武陵  
溪。

奉賀陽城郡王太夫人恩命加鄧國大夫人

陽城

杜集卷十七

九

郡王衛  
伯玉也

衛幕銜恩重，潘輿送喜頻。濟時瞻上將，錫號戴慈親。  
富貴當如此，尊榮邁等倫。郡依封土舊，國與大名新。  
紫誥鸞迴紙，清朝燕賀人。遠傳冬笋味，更覺綠衣春。  
奕葉班姑史，芬芳孟母鄰。義方兼有訓，詞翰兩如神。  
委曲承顏體，騫飛報主身。可憐忠與孝，雙美盡麒麟。

鶴曰：舊書大曆初，伯玉丁母憂，朝廷以土昴代其任，諡將士，諱留遂起復。再任，則此詩當作于伯玉封王母同受封之時。大約是大曆元年前作。按通鑑，伯玉丁母憂是大曆五年。

江陵望幸

雄都元壯麗，望幸歛威神。地利西通蜀，天文北照秦。  
風烟含越鳥，舟楫控吳人。未枉周王駕，終期漢武巡。



甲兵分聖旨居守付宗臣早發雲臺仗刊作恩波起泗

鱗

肅宗上元元年九月置南都于荊州以爲江陵府改呂誼爲尹一年罷都  
是年建邕月又詔爲南都尋罷呂誼傳建請荊州置南都於是更號江陵  
府以誼爲尹置永平軍萬人以遏吳蜀之衝廣德元年冬乘輿幸陝以伯  
玉有幹畧可當重寄乃拜江陵尹兼御史大夫充荊南節度觀察等使

江邊星月二首

驟雨清秋夜金波耿玉繩天河元自白江浦一作向來

澄映物連珠斷緣空一鏡升餘光隱一作更漏况乃露

華凝

金波漢郊祀歌月穆穆以金波謝玄暉詩金波麗鳩鵲玉繩低建章

江月辭風纜一作江星別霧一作船雞鳴還曙一作色鷺浴

自清川歷歷竟誰種悠悠何處圓客愁殊未已他夕

杜集卷十七

始相鮮

歷歷古詩上何有歷歷種白榆

舟月對驛近寺

更深不假燭月朗自明船金刹青楓外朱樓白水邊

城烏啼眇眇野鷺宿娟娟皓首江湖客釣簾獨未眠

舟中

風餐江柳下雨卧驛樓邊結纜排魚網連櫓並米舩

今朝雲細薄昨夜月清圓飄泊南庭老祗應學水仙

水仙侯鯖錄清冷傳曰馮毅華陰潼鄉閔野人也服八石得水仙是爲  
河伯一云以八月庚子浴於南河溺死出莊子大宗師第六卷義

中注

遣悶

地闊平沙岸舟虛小洞房使塵來驛道城日避烏橋

一作稿

暑雨留蒸濕江風借夕涼行雲星隱見疊浪月光

芒螢鑿綠帷徹蛛絲罥鬢長哀箏猶凭几鳴笛竟靈

裳倚著如秦贅過逢類楚狂氣衝看劍匣頽脫撫錐

囊妖孽關東臭兵戈隴右瘡時清疑武畧世亂踰文

場餘力浮于海端憂問彼蒼百年從萬事故國耿難

忘

秦贅

賈誼傳秦人家貧子壯則出贅師古曰言其不出妻家亦猶人身之有贅

江陵節度陽城郡王新樓成王請嚴侍御判官

賦七字句同作

樓上炎天冰雪生高飛燕雀賀新成碧窓宿霧濛濛

北集卷十七

十一

濕朱拱浮雲細細輕杖鉞寒帷瞻具美投壺散帙有

餘清自公多暇延參佐江漢風流萬古情

又作此奉衛王

西北樓成雄楚都遠開山岳散江湖二儀清濁還高

下三伏炎蒸定有無推轂幾年唯鎮靜曳裾終日盛

文儒白頭授簡焉能賦媿似相如爲大夫

舟

一有中出江陵南浦奉寄鄭少尹

審

更欲投何處飄然去此都形骸元土木舟楫復江湖

社稷纏妖氣干戈送老儒百年同棄物萬國盡窮途

雨洗平沙靜天銜闊岸紆鳴蜚隨泛梗別鷺起秋菰

棲託難高卧飢寒迫向隅寂寥相煦沫浩蕩報恩珠

只又字涼  
並初人

溟漲鯨波動，衡陽雁影徂。南征問懸榻，東逝想乘桴。  
濫竊商歌聽時憂，下泣誅經過。憶鄭驛，斟酌旅情孤。

### 江南逢李龜年

岐王宅裏尋常見，崔九堂前幾度聞。正是江南好  
冬議 作佳

風景落花時，節又逢君。

雲溪友議：明皇幸岷山，百官皆箴辱李龜年，奔迫江潭，杜甫以詩贈之。龜年曾於湘中採訪使筵上唱紅豆生南国，又清風朗月苦相思。此詩皆王右丞所製。至今梨園唱焉。歌闕合座莫不望南幸而慘然。明皇雖錄樂工李龜年，特承恩遇于東都道通里大起第宅，中堂制度甲于都下。今裴晉公孫于定鼎門南別墅，號鐵圍野堂。其後龜年流落江南，每遇良辰勝景，常為入歌數闕，座客聞之莫不掩泣而罷。  
岐王 舊書：岐王範好學，工書，雅愛文章之士。又聚書畫古跡為時所稱。開元十四年病薨。鶴曰：開元十四年卒，未始知鶴作何解。吳若本注云：崔九即殿中監滌以開元十四年卒。未始知鶴作何解。崔九 書：崔湜之弟也。舊書：湜弟滌，素通鑑。開元二年正月置梨園弟子。與玄宗欲密用為秘書監，出入禁中，與諸王侍宴不讓席而坐。或在寧王宅上後賜名澄。開元十四年卒。 江南 王翦定荆江

北集卷十七

十一

徙義帝于江潭，楚辭章句：襄王遷風原于江南，在江湘之間。龜年方流落江潭，故曰江南。若溪漁隱云：天寶後子美未嘗至江南，誤矣。

### 官亭夕坐戲簡顏十少府

南國調寒杵，西江浸日車。客愁連蟋蟀，亭古帶蒹葭。  
不返青絲鞵，虛燒夜燭花。老翁須地主，細細酌流霞。

### 秋日荆南述懷

三十韻

昔承推獎分媿匪，挺生材遲暮宮臣忝。艱危袞職陪揚鑿，  
揚鑿 楚辭 隨日馭折檻，出雲臺罪戾寬猶活。干戈塞未開，星霜立鳥變。身世白駒催，伏枕因超忽。扁舟任往來，九鑿已巽火。三蠶楚祠雷，望帝傳應實。昭王問不迴，蛟螭深作橫。豺虎亂雄猜，素業行已矣。浮名安在哉，琴鳥曲怨憤。庭鶴舞摧頽，秋雨漫湘水。  
一云秋水 漫湘竹

風過嶺梅苦搖求食尾常曝報恩鯁結舌防讒柄探  
賜有禍胎蒼茫步兵哭展轉仲宣哀飢籍入聲家家米  
愁徵處處孟休爲貧士嘆任受衆人哈得喪初難識  
榮枯劃易該差池分組冕合沓起蒿萊不必伊周地  
皆知一作登屈宋才漢庭和異域晉史坼中台霸業尋常  
體忠臣忌諱災羣公紛戮力聖慮宵繁徘徊數見銘  
鍾鼎真宜法斗魁願聞鋒鏑鑄莫使棟梁摧盤石圭  
多翦凶門轂少推垂旒資穆穆祝網但恢恢赤雀翻  
然至黃龍詎一作不假媒賢非夢傳野隱類鑿顏坏自古  
江湖客冥心若死灰

九鑽三蟄

山谷云子美入蜀下峽年月則詩中自可見其曰九鑽巴  
蟄八三蟄楚祠雷則往來兩川九年在夔府三年可知矣

九鑽三蟄

若溪漁隱曰杜又有十暑岷山葛三霜楚戶砧之句詩譜以謂公以乾元  
已亥冬至蜀不以暑計起明年庚子至是爲十暑時已在湖南獨言岷山  
永泰乙巳秋至雲安雲安荆湖皆楚地至是合爲五均皇帝望帝借以喻  
霜而云三者獨以岷中言之巴巽火用樂巴巽火事均皇帝玄宗也代宗  
惡李輔國而不能明正其罪使盜竊其首猶昭王南征不復而周人不能  
問之于楚也昔人謂陶淵明詩悼國傷時不欲顯斥寓以他語使與漫不  
可指摘知此則昭王湖中說益陽有昭潭其下無底淵水最深處也琴  
可以讀杜詩矣

烏

琴錄琴曲有烏夜啼樂府解題  
烏夜啼宋臨川王義慶造也

中台

晉志三台六星兩兩而居起文  
昌列抵太微一曰中柱三公之

位在天曰三台西近文昌二星曰上台爲司命主壽次二星曰中台爲司  
中主宗室東一星曰下台爲司祿主兵張華傳華爲司空中台星坼少子  
躋蘭華遜位華不從遂遇害昔承推獎分公受知于房太尉也折盪出雲  
臺以救房嗣官也宗臣忌諱災叙房病卒關州公詩好用小使語腹傷司  
徒王褒詩云豈意中台坼君當風燭前王亦病卒不必以張華遇害爲疑  
也房卒于廣德元年此追述之耳是年二月回紇登里可汗歸蕃詳回紇  
傳中所謂漢庭和異域也皆代斗魁晉志北斗七星在太微北魁四星  
宗初元之事故牽連書之耳斗魁爲璇璣杓三星爲玉衡杓南三星  
及魁第一星西三星皆曰三公主宣德化調七政和陰陽之官也史記  
魁枕參首平曰建者魁斗爲帝車運于中央斗魁戴筐六星曰文昌宮

秋日荆南送石首薛明府辭滿告別奉寄薛尚

書頌德叙懷斐然之作 三十韻

起數語叙  
明府寄書  
意後直以  
尚書言之  
所謂頌德  
叙懷也

南征為客久西候別君初歲滿歸鳧鳥秋來把雁書

荆門留美化姜被就離居聞道和親入垂名報國餘

連枝不日並八座幾時除往者口星亭恭惟漢網疎

風塵相瀕洞天地一丘墟殿瓦鴛鴦圻宮簾翡翠廬

鈞陳摧傲道槍纍失儲胥文物陪巡守親賢病拮据

公時呵貳諭首唱却鯨魚勢愜宗蕭相材非一范

睢屍填太行道血走浚儀渠盜口師仍會函關憤

已攄紫微臨大角皇極正乘輿賞從頻曩冕殊私再

直廬公舊執金吾新授羽林前後二將軍豈惟高衛霍曾是接應徐降集馮

翔鳳追攀絕眾狙侍臣雙宋玉戰策兩穰苴鑿澈勞

北集卷十七

懸鏡荒蕪已荷鋤嚮來披述作新文一卷重此憶欠嗟

白髮耳凋喪青雲亦卷舒經綸功不朽跋洗體何如

狎樵漁楊子淹投閣鄒生惜曳裾但驚飛熠燿不記

改蟾蜍烟雨封巫峽江淮畧孟諸湯池雖險固遼海

尚填淤努力輸肝膽休煩獨起予

景仙中扶風事見前大曆二年十一月和蕃使檢校戶部尚書薛景仙自吐蕃使還首領論泣陵隨景仙入朝槍纍長楊賦木

為飾范睢吳者本注云諸名將未詳其義是否

哭李尚書之芳

漳濱與蒿里逝水竟同年欲掛留徐劍猶迴憶戴船

相知成白首此別開黃泉風雨嗟何及江湖涕泣然

脩文將管輅奉使失張騫史閣行人在詩家秀句傳  
客亭鞍馬絕旅觀網蟲懸復魄昭丘遠歸魂素湮偏  
樵蘇封葬地喉舌罷朝天秋色凋春草王孫若箇邊

重題

涕泗不能收哭君余一作餘白頭兒童相識一作顧盡宇宙此  
生浮江雨銘旌濕湖風井逕秋還瞻魏太子賓客減

應劉

李公歷禮部尚書  
薨于太子賓客

井徑

蕪城賦邊風急兮城上寒井徑滅  
今丘隴殘注九夫爲井遂上有徑

獨坐

悲愁

一作秋

迴白首倚杖背孤城江斂洲渚出天虛風物

清滄溟服

一作恨

衰謝朱紱負平生仰羨黃昏鳥投林羽

翻輕

杜集卷十七

五

暮歸

霜黃碧梧白鶴棲城上擊柝復烏啼客子入門月皎  
皎誰家搗練風淒淒南渡桂水闕舟楫北歸秦一作洛川  
多鼓鞞年過半百不稱意明日看雲還杖藜

移居公安敬贈衛大郎

鈞

衛侯不易得余病汝知之雅量涵高遠清襟照等閒  
平生感意氣少小愛文辭河海由來合風雲若有期  
形容勞宇宙質朴謝軒墀自古幽人泣流年壯士悲  
水烟通徑草秋露接園葵入邑豺狼鬪傷弓鳥雀饑  
白頭供宴語烏几伴棲遲交態遭輕薄今朝豁所思

物體可與  
晚後一首  
泰有

清襟袁粲答王儉詩老大亦何奇之子照清襟

### 公安送韋二少府匡贊

逍遙公後世多賢送爾維舟惜此筵念我能書一作常能數字至將詩不必萬人傳時危兵甲黃塵裏日短江湖白髮前古往今來皆涕淚斷腸分手各風烟

逍遙公

宰相世系表韋夔字敬遠後周逍遙公號逍遙公房至嗣立更號小逍遙公房張說東山記皇帝幸韋公東山之別業是日即

席拜公逍遙公

### 贈虞十五司馬

遠師虞秘監今喜識玄孫形象丹青逼一聲器宇存  
婁涼憐筆勢浩蕩問詞源爽氣金天豁清談玉露繁  
竹鳴南岳鳳欲化北溟鯤交態知浮俗儒流不異門

杜真卷一七

過逢聯客位日夜倒芳尊沙岸風吹葉雲江月上軒  
百年嗟已半四坐敢辭喧書籍終相與青山隔故園  
公安縣懷古

野曠呂蒙營江深劉備城寒天催日短風浪與雲平  
灑落君臣契飛騰戰伐名維舟倚前浦長嘯一含情

呂蒙營

寰宇記公安縣有孱陵城十三州志曰吳大帝封呂蒙為孱陵侯此地也入蜀記光孝寺後有廢城髣髴尚存圖經謂之呂蒙城

劉備城

荆州記云劉備敗于襄陽南奔荆州吳大帝推為左將軍荆州牧鎮油口即居此城時人號備為左公故名其城公安也

水經注劉備之奔江陵使筭而鎮之曹公聞孫權以荆州借備臨書落筆

### 公安送李二十九弟晉肅入蜀余下沔鄂

正解柴桑纜仍看蜀道行檣烏相背發塞雁一行鳴  
南紀連銅柱西江接錦城憑將百錢卜飄泊問君平

夢弼曰吾肅李賀之  
父見韓退之諱辯

### 宴王使君宅題二首

漢主追韓信蒼生起謝安吾徒自漂泊世事各艱難  
逆旅招邀近他鄉思義華作意緒寬不才甘朽質高卧豈泥

蟠

汎愛容霜髮一作髮留歡卜夜閑一云上夜關自吟詩送老相勸

酒開顏戎馬今何地鄉園獨舊山江湖墮清月酌酌

任扶還舊山一作在山

夜關英華辨証世傳杜子美不避家諱兩押閑字其實非沈或改作夜關又不在韻按下關集杜詩自是留歡上夜關蓋有投轄之意上字訛為關耳

字訛為關耳

### 留別公安太易沙門

杜集卷十七

十七

隱居欲就廬山遠麗藻初逢休上人數問舟航留製  
作長開篋笥擬心神沙村白雪仍含凍江縣紅梅已  
放春先踏壚峰置蘭若徐飛錫杖出風塵



杜工部集卷之十八

虞山蒙叟錢

謙益

箋註

近體詩六十一首

自公安發次岳州及湖南作

曉發公安

數月憩息此縣

北城擊柝復欲罷東方明星亦不遲鄰雞野哭如昨日物色生態二云生能幾時舟楫眈然自此去江湖遠適無前期出門轉眄已陳迹藥餌扶吾隨所之

入蜀記公移居公安詩云水烟通徑草秋露接園葵而留別太易沙門云沙洲白雪仍冷凍江縣紅梅已放春則以是歌至此縣暮冬始去其曰數月憩息蓋

謂此也

泊岳陽城下

江國踰千里山城僅百層岸風灑夕浪舟雪灑寒燈

杜集卷十八

留滯才難盡艱危氣益增圖南未可料變化有鯢鵬

纜船苦風戲題四韻奉簡鄭十三判官

楚岸朔風疾天寒鷓鴣呼漲沙霾草樹舞雪渡江湖

吹帽時時落維舟日日孤因聲置驛外為覓酒家壚

登岳陽樓

昔聞洞庭水今上岳陽樓吳楚東南坼乾坤日夜浮

親朋無一字老病有孤舟戎馬關山北憑軒涕泗流

岳陽樓

岳陽樓土記岳陽樓城西門樓也方輿勝覽岳陽樓在郡治西

南西面洞庭左顧君山不知創始開元四年張說出守是邦與才士登臨賦詠自爾名著方回曰予登岳陽樓左序魏門壁間大書孟詩

右書杜詩後人不敢復題也劉長卿云疊浪浮元氣中流沒太陽世不甚

陪裴使君登岳陽樓

岳陽之勝在洞庭第不可不極極壯三才極潤五六極深心於用贖金倚仰耳遠然放他

湖闊兼雲霧樓孤屬晚晴禮加徐孺子詩接謝宣城  
雪岸叢梅發春泥百草生敢違漁父問從此更南征

南征 招魂歲發春今汨五岳南征

### 過南岳入洞庭湖

洪波忽爭道岸轉異江湖鄂渚分雲樹衡山引舳艫  
翠牙穿裊漿荆作碧節上吐寒蒲病渴身何去春生力  
更無孳童犁雨雪漁屋架泥塗欹側風帆滿微冥水  
驛孤悠悠廻赤壁浩浩畧蒼梧帝子留遺恨曹公屈  
壯圖聖朝光御極殘孽駐艱虞才淑隨斯養名賢隱  
鍛鑪邵平元入漢張翰後歸吳莫怪啼痕數危檣逐  
夜烏

北集卷十人

### 洞庭湖

方輿勝覽在巴陵縣西西吞赤沙南連青草橫亘七八百里風土記鼎澧沅湘合諸蠻南點之水滙于洞庭至巴陵與荆江合

山海經注長沙巴陵縣西有洞庭波潛伏通江水經注湖水廣圓五百餘里日月若出沒于其中湘水沅水澧水微水四水同注洞庭北北會大江名之五渚國策秦與荆戰取洞庭五渚羅君宣相中記曰湘水之出于陽朔則鴈為之舟至洞庭日月若出入于其中也  
赤壁注江水左逕百人山南石逕赤壁山北昔周瑜與黃蓋詐魏武大軍處所也方輿勝覽赤壁山在蒲圻西百二十里北岸烏林與赤壁相對今江漢開言赤壁者五漢陽漢川黃州嘉魚江夏惟江夏之說為近

### 帝子

山海經洞庭之山帝之二女居焉是常游于江淵澧沅之風交瀟湘

### 宿青草湖

洞庭猶在目青草續為名宿漿依農事郵籤報水程

寒冰爭倚薄雲月遞微明湖雁雙雙起人來故北征

### 青草

荆州記巴陵南有青草湖周廻百里日月出沒其中湖南有青草湖山故因以為名青草湖一名洞庭湖洞庭亦謂之太湖南遷錄嗣

庭西岸有沙洲堆阜隆起卽青草廟下一湖之中有此洲南名青草北名洞庭所謂重湖也水經注湘水自汨口西北逕壘石山西而其對青草湖亦或謂之青草山也元和郡國志巴丘湖又名青草湖在巴陵縣南七十九里周廻二百六十五里俗云卽古雲夢澤也

宿白沙驛初過湖南五里

水宿仍餘照人烟復此亭驛邊沙舊白湖外草新青萬象皆春氣孤槎自客星隨波無限月景作的的近南

溟

白沙

水經注瀟者水清潔也湘中記曰湘川清照五六丈下見底石如樗蒲爰五色鮮明白沙如霜雪赤崖如朝霞是納瀟湘之名矣

湘夫人祠

肅肅湘妃廟空墻碧水春蟲書玉佩蘚燕舞翠帷塵晚泊登汀樹微馨借一作香惜渚蘋蒼梧恨不盡染淚在叢筠

筠

杜集卷十八

方輿勝覽黃陵廟在湘陰北八十里王逸注楚辭以湘君為水神湘夫人乃二妃也郭璞曰天帝之二女而處江為神江湘之有夫人猶河洛之有處妃也禮五岳比三公四瀆比諸侯今湘川不及四瀆無秩于命祀而二女帝者之后配靈神祇無緣當復下降小水而為夫人也辭退之黃陵廟碑則以娥皇為湘君女英為湘夫人後世宗之公此詩題曰湘夫人祠蓋沐王逸之說也

祠南夕望

百丈牽江色孤舟泛日斜興來猶杖屨目斷更雲沙山鬼迷春竹湘娥倚暮花湖南清絕地萬古一長嗟

湘娥

江賦乃協靈爽于湘娥王逸楚辭注曰楚二女墜于湘水之中因為湘夫人也

登白馬潭

水生春纜沒日出野船開宿鳥行猶去叢花一作叢笑不來人人傷白首處處接金盃莫道新知要南征且未

迴

歸雁

聞道今春雁南歸自廣州見花辭漲海避雪到羅浮  
是物關兵氣何時免客愁年年霜露隔不過五湖秋

廣州

唐會要大曆二年嶺南節度使徐浩奏十一月二十五日當管懷集縣雁來乞編入史從之先是五嶺之外羽雁不到浩以為賜為君德雁隨陽者臣歸君之象也史稱浩貪而妄公詩蓋深譏之謝靈運山居賦海鳥違風翔禽避涼注翔禽雁也寒月轉往衡陽盧思道孤鴻賦序淮南子曰東歸獨石違源暑也平子賦云南翔衡陽避邪

漲海

謝水

寒也地志衡山一陽峰極高雁不能過遇春北歸故名迴雁

野望

納納乾坤大行行郡國遙雲山兼五嶺風襄帶三苗  
野樹侵江闊春蒲長雪消扁舟空老去無補聖明朝

五嶺

元和郡國志首懷帝分荆州湘中諸郡置湘州南以五嶺為限北以洞庭為界隋平陳改潭州取昭潭為名也裴淵廣州記五嶺云

程集卷十八

四

大庾始安臨賀桂陽揭陽師古曰嶺者西自衡山三苗書疏傳曰三苗之南東窮于海一山之限耳而別標名則有五焉三苗之國左洞庭右彭蠡其國在南方水經注洞庭湖右岸有山世謂之苗鳥頭石石北石會翁湖口水上承翁湖左合洞浦所謂三苗之國左洞庭者也潭州圖經云三苗國古三苗之國也

入喬口

長沙北界

漠漠舊京遠遲遲歸路賒殘年傍水國落日對春華  
樹蜜早蜂亂江泥輕燕斜賈生骨已朽悽惻近長沙

樹蜜

古今注枳椇子一名樹蜜一名木錫實形拳曲核在實外味甘美如饴蜜

銅官渚守風

不

樊作亦

夜楚帆落避風湘渚閒水耕先浸草春火更燒

山早泊雲物晦逆行波浪慳飛來雙白鶴過去杳難

攀

銅官

水經注湘水右岸銅官浦出焉湘水又北逕銅官山西臨湘水山上紫色內含雲母故亦謂之雲母山也湘水又左合浹湖口水出西陂東通湘渚方輿勝覽銅官浦在寧鄉縣界三十里舊志楚鑄錢處稻俱生高七八寸因悉爇去復下水灌之草死稻獨長所謂火耕水耨也

北風

新康江口信宿方行

春生南國瘴氣待北風蘇向晚霾殘日初宵鼓大鑪  
爽携甲濕地聲拔洞庭湖萬里魚龍伏三更鳥獸呼  
滌除貪破浪愁絕付摧枯執熱沉沉在凌寒往往須  
且知寬疾肺不敢恨危途再宿煩舟子衰容問僕夫  
今晨非盛怒便道卽長驅隱几看帆席雲山湧坐隅

新康

水經注瀉水出益陽縣馬頭山東逕新陽縣南晉太康元年改曰新康

雙楓浦

杜集卷十人

五

輟棹青楓浦雙楓舊已摧自驚衰謝力不道棟梁材  
浪足浮紗帽皮須截錦苔江邊地有主暫借上天迴

雙楓浦

方輿勝覽在瀏陽縣

奉送王信州峯北歸

朝廷防盜賊供給愍誅求下詔選郎署傳聲能典一作典信  
州蒼生今日困一作起天子嚮時憂并屋有烟起瘡痍無

血流壤歌唯海甸一作起盡角自山樓白髮寐常早荒榛農  
復秋解龜踰卧轍遺騎覓扁舟徐榻不知一作能倦潁川

何以酬塵生一作羣塵彤管筆寒膩黑貂裘高義終焉在斯  
文去矣休別離同雨散行止各雲浮林熱鳥開口江

渾魚掉頭尉佗雖北拜太史尚南留軍旅應都息寰

區要盡收九重思諫諍八極念懷柔徙倚瞻王室從  
容仰廟謀故人持雅論絕塞豁窮愁復見陶唐理其  
為汗漫遊

信州

梁大同三年於巴州郡理立信州唐武德元年改巴東郡為信州二年又改信州為夔州

尉佗

當是掛崔

江閣卧病走筆寄呈崔盧兩侍御

客子庖厨薄江樓枕席清衰年病祇瘦長夏想為情  
滑憶一作喜彫胡飯香聞錦帶羹溜匙兼煖腹誰欲致一作覓

孟覺

潭州送韋員外牧韶州迢

炎海韶州牧風流漢署郎分符先令望同舍有輝光  
白首多年疾秋天昨夜涼洞庭無過雁書疏莫相忘

北集卷十八

六

韓文章氏夫人墓誌銘其大父迢以都官郎為嶺南軍司馬卒贈同州刺史

潭州留別杜員外院長

韶州刺史章迢

江畔長沙驛一作驛相逢纜客船大名詩獨步小郡海西  
偏地濕愁飛鵬天炎畏站為去留俱失意把臂共潸  
然

江閣對雨有懷行營裴二端公

南紀一作極風濤壯陰晴屢不分野流行地日江入度山

雲層閣憑雷殷長空水面一作面水文雨來銅柱北應一作意洗

伏波軍

早發湘潭寄杜員外院長

韋迢

北風昨夜雨江上早來涼楚岫千峰翠湘潭一葉黃

故人湖外客白首尚爲郎相憶無南雁何時有報章  
酬韋韶州見寄

養拙江湖外朝廷記憶疎深慚長者轍重得故人書  
白髮絲難理一作新詩錦不如雖無南去雁看取北來

魚

千秋節有感二首

自罷千秋節頻傷八月來先朝常宴會壯觀已塵埃  
鳳紀編生日龍池墜劫灰湘川新涕淚秦樹遠樓臺  
寶鏡羣臣得金吾萬國迴衢尊不重飲白首獨餘哀

千秋節

玄宗紀開元十七年八月癸亥上以降誕日宴百寮于花萼樓  
下百寮表請每年八月五日爲千秋王公以下獻寶鏡及承露  
等請爲公節上獻玉卮自張作古是爲美事依柳來請定付所司

杜集卷十八

七

御氣雲樓敞含風綵仗高仙人張內樂王母獻宮桃  
羅襪紅蕖艷金羈白雪毛舞階銜壽酒走索背秋毫  
聖主他年貴邊心此日勞桂江流向北滿眼送波濤

內樂

明皇雜錄玄宗夢仙子十餘輩御脚雲而下各執樂器懸奏之度  
曲清越一仙人曰此神仙紫雲迴今傳授陛下爲正始之首上覺  
命玉笛習之

走索 西京賦跳丸劍之揮  
霍走索上而相逢

晚秋長沙蔡五侍御飲筵送殷六參軍歸澧州

觀省  
佳士欣相識慈顏望遠遊其從投轄飲肯作置書郵

高鳥黃雲暮寒蟬碧樹秋湖南冬不雪吾病得淹留

湖中送敬十使君適廣陵

相見各頭白其如離別何幾年一會面今日復悲歌

少壯樂難得歲寒心匪他氣纏霜匣滿冰置玉壺多  
遭亂實漂泊濟時曾琢磨形容吾校老膽力爾誰過  
秋晚岳增翠風高湖湧波騫騰訪知己淮海莫蹉跎

長沙送李十一 銜

與子避地西康州洞庭相逢十二秋遠媿尚方曾賜  
履竟非吾土倦登樓久存膠漆應難並一辱泥塗遂  
晚收李杜齊名真忝竊朔雲寒菊倍離憂

西康州

西康州乃同谷縣武德元年以縣置西康州

李杜

西溪叢語後漢范滂母謂滂曰汝得與李杜齊名死亦何恨杜

詩李杜齊名正用此也按後漢黨錮傳杜密與李膺俱坐而名行相案故時人亦稱李杜焉注云前有李固杜喬故言亦也杜詩正用此西溪所引似是而實緣

重送劉十弟判官

杜集卷一八

分源豕韋派別浦雁賓秋年事推兄忝人才覺弟優  
經過辨艷劍意氣逐吳鉤垂翅徒衰老先鞭不滯留  
本枝凌歲晚高義豁窮愁他日臨江待長沙舊驛樓

豕韋

趙曰言劉杜同出也左傳范宣子曰在夏爲御龍氏在商爲豕韋氏在周爲唐杜氏

奉贈盧五丈參謀琚

時丈人使自江陵在長沙待恩旨先支率錢米

恭惟同自出妙選異高標入幕知孫楚披襟得鄭僑  
丈人藉才地門闊冠雲霄老矣逢迎拙相於契託饒  
賜錢傾府待爭米駐船遙鄰好艱難薄氓心杼軸焦  
客星空伴使寒水不成潮素髮乾垂領銀章破在腰  
說詩能累夜醉酒或連朝藻翰惟牽率湖山合動搖  
時清非造次興盡却蕭條天子多恩澤蒼生轉寂寥



休傳鹿是馬莫信鵬如陳作鷓未解依依袂還斟泛泛  
飄流年疲蟋蟀體物幸鷓鴣辜列作孤負滄洲願誰云晚  
見招

自出鶴曰公祖母盧氏即所誌范陽太君者

登舟將適漢陽

春宅棄汝去秋帆催客歸庭蔬尚在眼浦浪已吹衣  
生理飄蕩拙有心遲暮違中原戎馬盛遠道素書稀  
塞雁與時集檣烏終歲飛鹿門自此往永息漢陰機

漢陽元和郡國志武德四年分沔陽漢陰寰宇志漢陰城郡于漢陽縣置沔州及漢陽縣

暮秋將歸秦留別湖南幕府親友

水闊蒼梧野樊作晚天高白帝秋途窮那免哭身老不禁

杜集卷十八

九

愁大府才能會諸公德業優北歸衝雨雪誰一作俱憫弊

貂裘

送盧十四弟侍御護韋尚書靈輓歸上都二十

韻

素幕渡江遠朱幡登陸微悲鳴駟馬顧失涕萬人揮  
參佐哭辭畢門闌誰送歸從公伏事久之子俊才稀  
長路更執紼此心猶倒衣感恩義不小懷舊禮無違  
墓待龍驤詔臺迎獬豸威深衷見士則雅論在兵機  
戎狄乘妖氣塵沙落禁闈往年朝謁斷他日掃除非  
但促一作整銅壺箭休添玉帳旂動詢黃閣老肯慮白登  
圍萬姓蒼瘼合羣兇一作雄嗜慾肥刺規多諫諍端拱自

光輝儉約前王體風流後代希對歎期特達衰朽再  
芳菲空裏愁書字山中疾采薇撥盃要忽罷抱被宿  
何依眼冷看征蓋兒扶立釣磯清霜洞庭葉故就別  
時飛

哭李常侍嶧二首

一代風流盡修文地下深斯人不重見將老失知音  
短日行梅嶺寒山一作江落桂林長安若箇畔猶想映貂

金

青瑣陪雙入銅梁阻一辭風塵逢我地江漢哭君時  
次第尋書札呼兒檢贈詩發揮王子表不媿史臣詞

哭韋大夫之晉

杜集卷十八

十

悽愴郇瑕色差池弱冠年丈一作大人叨禮數文律早周

旋臺閣黃圖裏簪裾紫蓋邊尊榮真不忝端雅獨脩

然貢喜音容間馮招病疾纏南過駭倉卒北思情聯

綿鵬鳥長沙諱犀牛蜀郡憐素車猶慟哭寶劍欲高

懸漢道中興盛韋經亞相傳冲融標世業磊落映時

賢城府深朱夏江湖眇霽天綺樓關一作高樹頂飛旄汎

堂前帝幕疑風鷺笳簫急暮蟬興殘虛白室跡斷孝

廉船童孺交遊盡喧卑俗事牽老來多涕淚情在強

詩篇誰寄方隅理朝難將帥權春秋褒貶例名器重

雙全

郇瑕

水經注服虔曰郇國在  
解縣東郇瑕氏之墟也

舟中夜雪有懷盧十四侍御弟

朔風吹桂水朔一作太雪夜紛紛暗度南樓月寒深北渚

雲燭斜初近見舟重竟無聞不識山陰道聽雞更憶

君

對雪

北雪犯長沙□雲冷萬家隨風且間一作開葉帶雨不成

花金錯囊從一作徒罄銀壺酒易賒無人竭浮蟻有待至

昏鴉何遜詩城陰度鵲黑昏鴉接翅歸

樓上

天地球搔首頻抽白玉簪皇輿三極北身事五湖南

戀闕勞肝肺論一作論材媿把柁亂離難自救終是老湘

北集卷十八

十一

潭

冬晚送長孫漸舍人歸州

參卿休坐幄蕩子不還鄉南客瀟湘外西戎鄠杜旁

衰年傾蓋晚費日繫舟長會面思來札銷魂逐去櫓

雲晴鷗更舞風逆雁無行匣裏雌雄劒吹毛任選將

大曆三年八月吐蕃寇靈州邠州九月又入寇京師戒嚴

暮冬送蘇四郎僎兵曹適桂州

飄飄蘇季子六印佩何遲早作諸侯客兼工古體詩

爾賢理照久余病長年悲盧縮須征日樓蘭要斬時

歲陽初盛動王化久磷緇爲入蒼梧廟看雲哭九疑

盧縮

鶴曰盧縮樓蘭蓋指大曆四年十二月桂州朱濟時反客管經畧使王翊敗之此當是其時作

風疾舟中伏枕書懷三十六韻奉呈湖南親友

軒轅休製律虞舜罷彈琴尚錯雄鳴管猶傷半死心

聖賢名古邈羈旅病年侵舟泊常依震湖平早一作見

參如聞馬融笛若倚仲宣襟故國悲寒望羣雲慘歲

陰水鄉靈白屋楓岸疊青岑鬱鬱冬炎瘴濛濛雨滯

淫鼓迎非非一作祭鬼彈落似鴉禽興盡纔無悶愁來遽不

禁生涯相汨沒時物自一作蕭森疑惑尊中弩淹留冠

上簪牽裾驚魏帝投閣為劉歆狂走終奚適微才謝

所欽吾安黎不糝女一作貴玉為琛烏几重重縛鶉衣

寸寸針哀傷同庾信述作異陳琳十暑岷山葛三霜

楚戶砢叨陪錦帳座久放白頭吟反樸詩難遇忘機

陸易沉應過數粒食得近四知金春草封歸恨源花

費獨尋轉蓬憂悄悄行藥病涔涔瘞天追潘岳持危

覓鄧林蹉跎翻學步感激在知音却假蘇張舌高誇

周宋鐔納流迷浩汗峻址得欽峯城府開清旭松筠

一作起碧澗披顏爭倩倩逸足競駿駿朗鑒存愚直皇

天寶照臨公孫仍恃險侯景未生擒書信中原闊干

戈北斗深畏人千里井問俗九州箴戰血流依舊軍

聲動至今葛洪尸定解許靖力還任家事丹砂訣無

成涕作霖

首二句

吳若本注云伏羲造瑟神農作琴舜彈五絃琴歌南風之篇有矣

雄鳴

律曆志制十二篇以雌鳳之鳴其雄鳴為六

鳴亦

半死七發龍門之桐高百八

仲宣襟

登樓賦憑軒檻以遙望兮向北風而開襟

非真卷一八

二

尊中弩

風俗通應郴為汲令請主簿杜宣賜酒北壁上有懸赤弩照于杯中形如蛇首惡之及飲得疾後郴知之延宣於脅處設酒指

謂宣曰此弩形耳宣病遂瘳梁牽裾起入內毗隨而引其裾帝遂奮衣

不還良久乃出曰佐數粒鶴鷄賦巢林不過一行藥西溪叢語鮑昭

治卿持我何太急耶瘞天西征賦天赤于瘞

詩注云因病服藥行而宣導之杜詩行藥病瘞

涪漢許皇后云我頭岑岑藥中得無有毒乎瘞天新安坎路側而瘞

之黃鶴因瘞天一語疑為宗文之故年譜遂大書以是年四月宗文卒

妄矣潤州刺史樊晃叙社工部小集云君有宗文宗武近知所在漂寓江

陵則宗文之亡實周宋華子說劍篇恃險子琳乘虛襲據成都庾粲

弟乃攻破子琳收復成都四年子琳敗還瀘州招梁亡命得數千入沿江

東下尋言入朝擊王守仙于忠州殺夔州別駕張忠據其城荆南節度使

衛伯玉欲結以為援以夔州許之為之千里井玉臺新詠劉勳妻王

請於朝此詩公孫侯景若指子琳也

乃昔所奉李太白平口將軍妻詩云古人不唾井莫忘葛巾纏綿李濟翁貧

且自言相去千里豈當重來及其復至蒸濕汲水速飲不憶前所

棄草草結于喉而斃俗因相戒曰千里井不反對復說為唾耳葛洪

晉中興書葛洪上羅浮山中煉丹在山積年忽與廣州刺史鄒岱書云當

欲遠行借得書復恨而洪已亡顏色如平生體輕弱如空衣時咸以為神

北集卷一八

仙許靖陳國袁徽寄寓交州與尚書荀勗或書曰許文休英才偉士智

與九族中外同其飢寒其細細同類仁

愁惻但皆有故事不能復一一陳之耳

奉贈蕭二十使君

昔在嚴公墓俱為蜀使臣艱危參大府前後間清塵

嚴再鎮成都起草鳴先路乘槎動要津王鳧聊暫出蕭雉

余復參幕府只相馴終始任安義荒蕪孟母鄰聯翩匍匐禮意氣

死生親嚴公沒後老母在堂使君溫清之問甘脆之禮名數若已之庭闈

之喪可知矣張老存家事嵇康有故人食恩慚鹵莽鏤骨抱

酸辛巢許山林志夔龍廊廟珍鵬圖仍矯翼熊軾且

移輪磊落衣冠地蒼茫土木身塤篲鳴自合金石瑩

逾新重憶羅江外同遊錦水濱結歡隨過隙懷舊益

露巾曠絕舍香舍稽留伏枕辰停驂雙闕早迴雁五  
湖春不達長卿病從來原憲貧監河受貸粟一起轍  
中鱗

蕭雉

蕭廣濟孝子傳蕭芝至老除尚書郎有雉數十頭飲啄宿止當上直送至岐路下直入門飛鳴車側

張老

晉諸趙文子冠

見張老而語之張老曰善矣物備矣志在子注張老晉大夫張孟

奉送二十三舅錄事之攝郴州

崔偉

賢良歸盛族吾舅盡知名徐庶高交友劉牢出外甥  
泥塗豈珠玉環堵但柴荆衰老悲人世驅馳厭甲兵  
氣春江上別淚血渭陽情舟鷁排風影林鳥反哺聲  
永嘉多北至勾漏且南征必見公侯復終聞盜賊平  
郴州頗涼冷橘井尚凄清從役何蠻貊居官志在行

杜集卷十八

古

送魏二十四司直充嶺南掌選崔郎中判官兼

寄韋韶州

選曹分五嶺使者歷三湘才美膺推薦君行佐紀綱

佳聲斯

一作期

共遠雅節在周防明白山濤鑒嫌疑陸

賈裴故人湖外少春日嶺南長憑報韶州牧新詩昨

寄將

一作夜

選曹

唐會要上元三年勅桂廣交黔等州都督府所奏擬土人首領任官簡擇宜准舊制四年度差強明清正五品以上官充使選補仍

今御史同

二湘

寰宇記湘潭湘鄉往注擬湘源是爲三湘

送趙十七明府之縣

連城爲寶重茂宰得才新山雉迎舟楫江花報邑人  
論交翻恨晚卧病却愁春惠愛南翁悅餘波及老身

此是比體

燕子來舟中作

湖南為客動經春，燕子銜泥兩度新。舊入故園常識主，如今社日遠看人。可憐處處巢君<sub>一作君</sub>室，何異飄飄託此身。暫語船檣還起去，穿花落水<sub>范德機云善本作帖水</sub>益霑巾。

同豆盧峰知字韻

貽主客李員外賢子非也

鍊金歐冶子，噴玉大宛兒。符彩高無敵，聰明達所為。夢蘭他日應折桂，早年知爛漫。通經術，光芒刷羽儀。謝庭瞻不遠，潘省會於斯。唱和將雛曲，田翁號鹿皮。

歸雁二首

萬里衡陽雁，今年又北歸。雙雙瞻客上，一一背人飛。雲裏相呼疾，沙邊自宿稀。繫書元<sub>一作無</sub>浪語，愁寂故山

北集卷十八

十五

薇

欲雪違□地，先花別楚雲。却過清渭影，高起洞庭羣。塞北春陰暮，江南日色曛。傷弓流落羽，行斷不堪聞。

小寒食舟中作

佳辰強飯<sub>飲</sub>，食猶寒隱<sub>旅况</sub>。几蕭條帶鷓鴣冠，春水船如天上坐。老年花似霧中看，娟娟戲蝶過開<sub>一作開</sub>幔。片片輕鷗下，急急湍雲白。山青萬餘里，愁看直北是長安。

清明二首

朝來新火起，新烟湖色春。光淨客船繡羽銜花他，自得紅顏騎竹我無緣。□童結束還難有，楚女腰肢亦可憐。不見定王城舊處，長懷賈傅井依然。虛霑焦舉

原為星拱每飯不忘

嘗作周舉

為寒食實藉嚴君賣十錢鐘鼎山林各天性濁醪

麤飯任吾年

盛弘之荆州記荆州南寺之東有賈誼宅宅之中有井井旁有石有肩脚床可容一人坐形制甚古皆傳曰即誼所坐水滸注

潮州城內郡解西陶侃廟云舊是賈誼宅地中有一井是誼所鑿極小而深上斂下大其狀似壺傍有一脚石床纔容一人坐形流俗相承云誼宿所坐床又有大柑後漢書周舉遷并州刺史移書于子推書云樹亦云誼所植也春中寒食一月老少不堪今則三日而已

此身飄泊苦西東右臂偏枯半耳聾寂寂繫舟雙下

淚悠悠伏枕左書空十年蹴踖將雛遠萬里鞦韆習

俗同旅雁上雲歸紫塞家人鑽火用青楓秦城樓閣

烟一作鶯花裏漢主山河錦繡中風水一作春雲春來洞庭閣白

蘋愁殺白頭翁

鞦韆

古今藝術圖鞦韆北方山戎之戲以習輕趨者或曰自齊桓公北伐山戎此戲始傳中國

北集卷十八

十六

### 發潭州

夜醉長沙酒曉行湘水春岸花飛送客檣燕語留人

賈傅才未有褚公書絕倫高名前後事迴首一傷神

褚承徽末放此州

### 迴棹

宿昔試一作世安命自私猶畏天勞生繫一物為客費多

年衡岳江湖大蒸池疫癘偏散才嬰薄一作舊俗有跡負

前賢中拂那關眼瓶壘易滿船火雲滋垢膩凍雨裊

沈一作岸綿飯尊添滑端居茗續煎清思漢水上涼憶

峴山巔順浪飜堪倚迴帆又省牽吾家碑不昧王氏

并依然几杖將衰齒茅茨寄短椽灌園曾取適遊寺



可終焉遂性同漁父成名一作功異魯連篙師煩爾送朱

夏及寒泉

蒸池

水經注承水出衡陽重安縣西邵陵縣界邪置山東北流至重安縣選舜廟下武水出鍾武縣西南表山東流至湖東臨水縣北東

注子湘謂之承口漢地理志承陽在承水之陽故名讀若蒸屬長沙國郡國志臨蒸縣俯臨蒸水其氣如蒸故曰臨蒸元和郡國志衡陽城東傍湘江北背漢水峴山元和郡國志峴山在襄陽縣東南九里山東臨漢水古今大路家碑南部新書

蒸水為二碑一沉萬山之下一立峴山之上時人多使  
沉碑峴首唐賢往往有之誤也當為沉碑萬山

贈章七贊善

鄉里衣冠不乏賢杜陵章曲未央前爾家最近魁三

象斗魁下兩兩

時論同歸一作云

尺五天俚語云城南章

北走關山杜去天尺五

開雨雪南遊花柳塞雲一作風烟洞庭春色悲公子蝦

菜忘歸范蠡船

杜集卷十人

洞庭

此謂楚之洞庭也陶朱中男殺人囚於楚張華曰陶朱公冢在南郡華容縣西故知非吳之洞庭也

奉酬寇十侍御錫見寄四韻復寄寇

往別邠瑕地于今四十年來簪御府筆故泊洞庭船

詩憶傷心處春深把臂前南瞻按百越黃帽待君偏

黃帽

師古曰刺船之郎皆著黃帽因號曰黃頭郎也

杜員外兄垂示詩因作此寄上 郭 受

新詩海內流傳遍舊德朝中屬望勞郡邑地卑饒霧

雨江湖天闊足風濤松醪酒熟旁看醉蓮葉舟輕自

學操春興不知凡幾首衡陽紙價頓能高

唐詩紀事受大曆松醪裴嗣傳奇酒名松醪紙價吳若本注衡陽出武家紙又云出五

紙里

酬郭十五判官

才微歲老尚虛名，卧病江湖春復生。  
藥裏關心詩總廢，花枝照眼句還成。  
只同燕石能星隕，自得隋珠覺夜明。  
喬口橘洲風浪促，繫帆何惜片時程。

花枝

吳曾漫錄梁武帝春歌曰：階上香人懷庭中花照眼。春心一如此情來，不無限。乃隋子美花枝照眼之句。

衡州送李大夫七丈勉赴廣州

斧鉞下青冥，樓船過洞庭。  
北風隨爽氣，南斗避文星。  
日月籠中鳥，乾坤水上萍。  
王孫丈人行，垂老見飄零。

舊書人曆四年李勉除廣州刺史兼嶺南節度觀察使。

附錄

他集互見四首

杜集卷二人

哭長孫侍御

道為謀一作諫書重名，因賦頌雄禮闈。  
曾擢桂憲府舊一作乘驄，流水生涯盡浮雲。  
世事空唯餘舊臺，柏蕭瑟

近九原中

文苑辨証云：杜誦哭長孫侍御詩，今載杜甫集中。按中興間氣集又玄集

唐宋類詩皆云：杜誦高仲武當唐中興肅宗時編間氣集載誦詩止此一首。又云：杜君詩平調不失如流水，生涯盡浮雲。世事空得生人始終之理，故編之。必不誤。近下闕注杜詩亦載此篇。雖云或以為杜誦作然不誦也。

號國夫人

號國夫人承主恩，平明上馬入宮門。  
却嫌脂粉澆

顏色，淡掃蛾眉朝至尊。

祐集作金門

見張祐集作集靈臺二首，萬首唐人絕句亦作張祐楊妃外傳有姊三人，皆豐豔，碩修，整工于誰，浪每入宮中，移晷方出，號國不施粧粉，自銜美艷，常素面朝天，當時杜甫有詩云云。

軍中醉飲寄沈八劉叟

酒渴愛江清餘甘一作漱晚汀軟沙欹坐穩冷石醉眠  
醒野膳隨行帳華音發從伶數盃君不見醉一作已遣

沉冥

英華辨証其有可疑及當兩存者如暢當此詩及司空曙杜鵑行今並載  
杜甫集潘淳詩話補遺唐顧向集詩選二十卷載暢當軍中醉歌寄沈八  
劉叟詩山谷項在蜀道見古石刻有唐人  
請以老杜酒渴愛江清為韻入各賦一詩

杜鵑行

見陳浩然本  
亦見黃鶴本

古時杜宇稱望帝魂作杜鵑何微細跳枝竄葉樹木  
中搶佯英華  
作翔瞥振雌隨雄毛衣慘黑貌一作憔悴眾鳥安  
肯相尊崇英華  
作物形不敢栖華屋短翮唯願巢深叢穿  
皮啄朽觜欲秃苦饑始得食一蟲誰言養雛不自哺

杜集卷十八

一九

此語亦足為愚蒙聲音咽咽如有謂英華作咽噉若有號  
謂注云咽平聲號  
啼畧與嬰兒同口乾垂血轉迫促似欲英華作  
欲以上訴於  
蒼穹蜀人聞之皆起立至今敦學傳遺風英華作相  
效傳遺風迺  
知變化不可窮豈知昔日居深宮嬪嬙一作  
如左右如花

紅

文苑英華作司空曙  
注云又見杜甫集

吳若本逸詩七篇

聞惠二過東溪特一送

惠子白駒一作魚  
坡作驢瘦歸溪惟病身皇天無老眼空谷滯

斯人崖蜜松花熟一作白  
一作古山杯一作  
村醪竹葉新柴門了無

事黃一作  
周綺未稱臣

李邕蕭遠校書云陳恬叔易傳東坡記此詩云右一篇劉斯立得於管城人家册子集中題云工部員外詩集名甫字東甫其餘諸篇語多不同如故園桃李今搖落安得愁中却盡生也草堂本右一篇見洪駒父詩話劉路

左車言嘗收得唐人雜篇詩册府之

舟泛洞庭一作過洞庭湖

蛟室圍青草龍堆擁一作隱白沙護江一作堤盤古木迎權舞

神鷁破浪南風正收颿一作回橋一作歸舟畏日斜雲山千萬疊

底處上仙槎草堂作湖光與天遠直欲泛仙槎

右洪玉甫云有人得之江中石刻王直方云此老杜過洞庭湖詩也潘淳云元豐

中有人得此詩刻于洞庭湖中不載名氏以示山谷山谷曰子美作也今蜀本已收入

杜集卷十八

李鹽鐵二首後一首題云李監宅在第九卷中

落葉一作落葉春風起高城烟霧開雜花分戶映嬌燕入簷

回一見能傾產一作座虛懷只愛才鹽官雖絆驥名是漢

庭來

長吟

江渚翻鷗戲官橋帶柳陰江飛競渡日草見踏春草堂一作畫

心已撥形骸累真為爛熳深賦詩歌草堂一作新句穩不免一作覺

自長吟

絕句九首前六首在十三卷中

聞道巴山裏春船正好行都將百年興一望九江城

草堂本云行越作還城越作山

水檻溫江口茅堂石笋西移船先主廟洗藥浣沙

草堂作花

溪

設一作設道春來好狂風大放顛吹一作飛花隨水去飜却釣

魚船

右謝克家任伯題云右五詩得盛文肅家故書中

猶是吳越錢氏時人所傳格律高妙其為少陵不

疑詩說雋永晁氏嘗於中臺繖線續夾中得吳越人寫本社詩諱流字之類乃盛文肅故書也如日出籬頭水等絕句六首乃九首其一云漫道

春來好云云

### 草堂詩箋逸詩拾遺

瞿唐懷古見吳若本又見英華

西南萬壑注勅敵兩崖開地與山根裂江從月窟來

削成當白帝空曲隱陽臺疏鑿功雖美陶鈞力大哉

送司馬入京見吳若本

羣盜至今日先朝忝從臣歎君能戀主久客羨歸秦

黃閣長司諫丹墀有故人向來論社稷為話涕沾巾

惜別行送劉僕射判官見陳浩然本又見英華

聞道南行市駿馬不限疋數軍一作官中須襄陽幕府天

下異主將儉省憂艱虞祇收壯健勝鐵甲豈因格鬪

求龍駒而今西北自反□騏驎蕩盡一疋無龍媒真

種在帝都子孫永落西南隅向非戎事備征伐君肯

辛苦越江湖江湖凡馬多顛顛衣冠往往乘蹇驢梁

公富貴於身疎號令明白人安居俸錢時散士子盡

府庫不爲驕豪虛以茲報主寸心赤氣却西戎廻北  
狄羅網羣馬籍一作鳥籍馬多氣在一作用驅馳出金帛劉侯奉  
使光推擇滔滔才畧滄溟窄杜陵老翁秋繫船扶病  
相識長沙驛強梳白髮提胡盧手把一作兼菊花路旁摘  
九州兵革浩茫茫三歎聚散臨重陽當杯對客忍流  
涕一作涕淚君一無此字不覺老夫神內傷

呀鵲行

見陳浩然本  
又見英華

病鶻孤

陳作甲

飛俗眼醜每夜江邊宿衰柳清秋落日

英華作月

已側身過雁歸鷗錯廻首緊腦雄姿迷所向疎翮稀

毛不可狀強神迷復阜雕前俊才早在蒼鷹上風濤

颯颯寒山陰熊羆欲蝥一作藥龍虵深念爾此時有一擲

失聲濺血非其心

杜集卷一八

三

狂一作短

歌行贈四兄

見陳浩然本  
又見英華

與兄行年校一歲賢者是兄愚者弟兄將富貴等浮  
雲弟切功名好權勢長安秋雨十日泥我曹韞馬聽  
晨雞公卿朱門未開鎖我曹已到肩相齊吾兄睡穩  
方斜膝不襪不巾踏曉日男啼女哭莫我知身上須  
繒腹中實今年思我來嘉州嘉州酒重一作香花繞一作滿樓  
樓頭吃酒樓下卧長歌短詠一作歌還相酬四時八節還  
拘禮女拜弟妻男拜弟幅巾鞶帶不挂身頭脂足垢  
何曾洗吾兄吾兄巢許倫一生喜怒長任真日斜枕  
肘寢已熟啾啾唧唧爲何人浩然本作何爲人

右五篇乃蘇州太守裴煜如晦所收見舊集補遺

逃難

見陳浩然本

五十頭白翁南北逃世難疏布纏枯骨奔走苦不暖  
呼去聲已衰病方入四海一塗炭乾坤萬里內莫見容身  
畔妻孥復隨我回首共悲歎故國莽丘墟鄰里各分散  
歸路從此迷涕盡湘江岸

寄高適

楚隔乾坤遠難招病客魂詩名惟我共世事與誰論  
北闕更新主南星落故園定知相見日爛熳倒芳尊

送靈州李判官

□□腥四海回首一茫茫血戰乾坤赤氛迷日月黃

北集卷十八

五二

將軍專策略幕府盛材良近賀中興主神兵動朔方

與嚴二郎奉禮別

別君誰暖眼將老病纏身出涕同斜日臨風看去塵  
商歌還入夜巴俗自爲鄰尚媿微軀在遙聞盛禮新  
山東羣盜散闕下受降頻諸將歸應盡題書報旅人

奉禮

唐志太常寺奉禮二人

巴西驛亭觀江漲呈寶使君二首

轉驚波作怒卽恐岸隨流賴有盃中物還同海上鷗

關心小剡縣傍眼見揚州爲接情人飲朝來減半一作片

愁

向晚波微一作稍綠連空岸脚青日兼春有暮愁與醉無

醒漂泊猶杯酒躊躇此驛亭相看萬里外同是一浮萍

遣憂

亂離知又甚消息苦難真受諫無今日臨危憶古人  
顧作傷故臣紛紛乘白馬攘攘著黃巾隋氏留宮室焚燒

何太頻

受諫

謂代宗還京太常博士柳伉上疏切諫也

臨危

至德初上皇在蜀思九齡之先覺下詔褒贈遣使就韶州致祭劇談錄明

皇幸蜀妃子既死一日登高山望秦川謂高力士曰吾取張九齡言不至於此遣使祭之吹笛為曲號謫仙怨公不斥言而曰古人其詞婉矣吳曾漫錄唐顧陶大中丙子歲編唐詩類選載此詩世所傳杜集皆無之

早花

西京安穩未不見一人來臘日一作月巴江曲山花已自

杜集卷二

二四

開盈盈當雪杏艷艷待春梅直苦風塵暗誰憂容

一作客鬢催

巴山

巴山遇中使云自峽一作峽城來盜賊還奔突乘輿恐未

回天寒邵伯樹地闊望仙臺狼狽風塵裏羣臣安在哉

邵伯樹

海錄詩其棠注云棠社也一名杜梨而小也召伯不欲勞民止舍于其小棠樹之下而斷訟焉

望仙臺

黃圖望仙臺漢武帝所建在華州華陰縣

收京

復道收京邑兼聞殺口口衣冠却扈從車駕已還宮

尅復成如此安危一作扶持在數公莫令回首地慟哭起悲



風

巴西聞收宮闕送班司馬入京

聞道收宗廟鳴鑾自陝歸傾都看黃屋正殿引朱衣  
劍外春天遠巴西勅使稀念君經世亂匹馬向王畿  
花底

紫萼扶干藥黃鬚照萬花忽疑行暮雨何事入朝霞  
恐是潘安縣堪留衛玠車深知好顏色莫作委泥沙

柳邊

只道梅花發那知柳亦新  
枝枝總到地藥藥自開春  
紫燕時翻翼黃鸝不露身  
漢南應老盡霸上遠愁人

送竇九歸成都

杜集卷一八

三五

文章亦不盡竇子才縱橫非爾更苦節何人符大名  
讀書雲閣觀問絹錦官城我有浣花竹題詩須一行  
贈裴南部聞袁判官自來欲有按問

塵滿萊蕪餽堂橫單父琴人皆知飲水公輩不偷金  
梁獄書因上一作秦臺鏡欲臨獨醒時所嫉羣小謗能

深卽出黃沙在何須白髮侵使君傳舊德已見直繩  
心

奉使崔都水翁下峽

無數涪江筏鳴橈總發時別離終不久宗族忍相遺  
白狗黃牛峽朝雲暮雨祠所過頻問訊到日自題詩  
題鄆縣郭三十二明府茅屋壁

江頭且繫船爲爾獨相憐雲散灌壇雨春青彭澤田  
頻驚適小國一擬問高天別後巴東路逢人問幾賢  
遣悶戲呈路十九曹長

江浦雷聲喧昨夜春城雨色動微寒黃鸝並坐交愁  
濕白鷺羣飛大劇乾晚節漸於詩律細誰家數去酒  
盃寬惟吾最一作君醉愛清狂客百遍相看一作過意未闌

隨章留後新亭會送諸君

新亭有高會行子得良時日動映江幕風鳴排檻旗  
絕葦終不改勸酒一作醉欲無詞已墮峴山淚因題零雨  
詩

東津送韋諷攝閬州錄事

杜集卷十八

三十六

聞說江山好憐君吏隱兼寵行舟遠汎怯別酒頻添  
推薦非承乏操持必去嫌他時如按縣不得慢陶潛  
客舊館

陳迹隨人事初秋別此亭重來梨葉赤依舊竹林青  
風幔何一作前時卷寒砧昨夜聲無由出江漢愁緒一作月  
冥冥

閬州奉送二十四舅使自京赴任青城

聞道王喬爲名因太史傳如何碧雞使把詔紫微天  
秦嶺愁回馬涪江醉泛船青城漫污雜吾舅意凄然

愁坐

高齋常見野愁坐更臨門十月山寒重孤城月水昏

葭萌氏種迴左擔□□存一作也終日憂奔走歸期未敢

論

葭萌

十道志曰利州益昌郡土地所屬與文州同春秋戰國時並屬蜀漢葭萌縣地華陽國志曰昔蜀王封其弟于漢中號曰五侯因命

其地曰左擔任豫益州記江由左擔道按圖在陰平縣北于成都為西葭萌

車之處華陽國志康降賈子左擔七里

陪鄭公秋晚北池臨眺

北池雲水關華館闢秋風獨鶴元依渚衰荷且映空

采菱寒刺上踏藕野泥中素楫分曹往金盤小逕通

萋萋露草碧片片晚旗紅盃酒霑津吏衣裳與釣翁

異方初艷菊故里亦高桐搖落關山思淹留戰伐功

嚴城殊未掩清宴已知終何補參卿事一作參軍之歡娛到

北集卷十人

三七

薄躬

去蜀

五載客蜀郡一年居梓州如何關塞阻轉作瀟湘遊

世一作萬事已黃髮殘生隨白鷗安危大臣在一作何必淚

長流

放船

收帆下急水卷幔逐回灘江市戎戎暗山雲淅淅寒

村荒一作森無徑入獨鳥怪人看已泊城樓底何曾夜色

關

淅吟上聲魚吹水貌

哭台州鄭司戶蘇少監

故舊誰憐我平生鄭與蘇存亡不重見喪亂獨前途

豪俊何人一作人誰在文章掃地無羈遊萬里關凶問一年

俱白首中原上清秋大海隅夜臺當北斗泉路著東

吳得罪台州去時危棄碩儒移官蓬閣後一作穀貴沒潛

天流慟嗟何及銜冤有是夫道消詩興廢心息酒為

徒許與才雖薄追隨跡未拘班楊名甚盛嵇阮逸相

須會取君臣合寧銓品命殊賢良不必展廊廟偶然

趨勝決風塵際功安造化鑑從容拘一作舊學慘淡悶

陰符擺落嫌疑久哀傷志力輸俗依綿谷異客對雪

山孤童稚思諸子交朋列友于情乖清酒送望絕撫

墳呼瘡病一作餐巴水瘡痕老蜀都飄零迷哭處天地

北齊卷一八

日榛蕪

右二十七篇朝奉大夫負安字所收

送王侍御往東川放生池祖席

東川詩友合此贈怯輕為况復傳宗近空然惜別離

梅花交近野草色向平池儻憶江邊卧歸期願早知

惠義寺送王少尹赴成都

得峰字

苒苒谷中寺娟娟林表峰闌干上處遠結構坐來重

騎馬行春徑衣冠起晚鐘雲門青寂寂此別惜相從

右二篇見王原叔本

避地

避地歲時晚竄身筋骨勞詩書遂牆壁奴僕且旌旄

行在僅聞信此生隨所遭神堯舊天下會見出腥臊  
右一篇見趙次翁本題云至德二載丁酉作

惠義寺園送辛員外

朱櫻此日垂朱實郭外誰家負郭田萬里相逢貪握手  
手高才仰望足離筵

又送

雙峰寂寂對春臺萬竹青青照一作送客杯細草留連侵

坐軟殘花悵望近人開同舟昨日何由得並馬今朝

未擬迴直到綿州始分首江邊樹裏共誰來

右二篇見十園本

並見吳若本

濟南遺老詩語世所傳十注杜詩有曰新添者四十餘篇吾舅周君德卿嘗辨之云惟瞿唐懷古呼鷗行送劉僕射惜別行爲杜無擬其餘皆非真

杜集卷一八

二十九

本蓋後人依放而

欲竊盜以欺世者其中一二雖稍平易亦不免踉蹌

至于逃難解憂上都水聞惠子過東溪巴西觀漲及呈寶使君等尤爲

無狀吾舅自幼便祖工部嘗與余語及新添之詩則摯感曰人才之

不同如其面豈少陵他人豈得之哉公之持論如此其中必有

所之俟明眼君子云

杜工部集卷

八

嘗熟縣錢沅楚殷氏校

